


泰山道里記



風陵文庫

文庫19

F 66



泰山掌故古有泰山記其亡已久至明始有泰山志爲
吳伯朋所輯後查志隆易名岱史歷城劉勅增修之其
書分類雜陳率多挂漏未稱完善吾叔祖劍光性嗜山
水遍覽名勝蒐討金石之文閱三十年成一書名曰泰
山道里記凡諸記載所未詳而尤當特書者如石經峪
刻金剛經據徂來刻石辨爲北齊王冠軍書唐紀泰山
銘下截剝落葉彬補書百八字宋述功德銘磨勒岱巔
鑿毀原碑字猶存介邱巖分水谿及古明堂均失覈蓄
疑又肅然山奉高城季札子墓與白驪冢俱誤指其地
汶泮三谿諸水皆牽混源流岱背琨瑞靈巖諸山因隸
他縣而未錄叔祖逐加考驗折衷羣書辨訛補闕徵信

泰山道里記
確鑿以路爲綱殊簡括有法彙成見示讀之而有嘆焉
蓋叔祖嘗留心經世之學今且終老鄉里杖履徧山谷
僅借此消歲月以娛其志而年已逾五十矣書之傳不
傳非所計也乾隆丙戌正月旣望學文敬跋

余嘗病天下地志謬誤非特妄引古記至紀今時山川
道里遠近方向率與實舛令人憤歎設每邑有篤學好
古能遊覽者各攷紀其地土之實據以參相校訂則天
下地志何患不善余嘗以是語告人嘉定錢辛楣學士
上元嚴東有侍讀因爲余言泰安聶君泰山衛里記最
善心識其語比有岱宗之遊過訪聶君山居廼索其書
讀之其攷訂古今皆詳核可喜學士侍讀之言不妄也
余疑水經注於汶水左右水源流方面頗有舛誤又謂
古奉高在今泰安石汶東故古登封入奉高境西行度
環水而北至天門歷盡環道躋岱巔廼得封所馬第伯
記可覆案也往昔在濟南秋霽登千佛山望岱巔諸峯

通相接竊謂歷城以南諸山皆泰山也後人多爲之名耳今閱是書每與余意合而辨正尤起人意聶君欲余序以重其書余淺學又偶過臆度徒幸有合於好古力索久往來是山中者聶君足重余耳余安足重聶君哉乾隆四十年正月桐城姚鼐序

自甲申夏承乏岱下躋其巔凡十餘次歸輒稽攷載籍證以目驗伏讀

四庫全書總目中凡泰山志乘無著於錄者今所傳則查志隆岱史吳百朋泰山志劉其旋泰山志畧宋燾泰山紀諸書吾師唐陶山先生著岱覽三十二卷尤得體要其次則聶劍光之道里記以山之脈絡爲文之脈絡皆隹志也昔酈中尉甄叙諸山類喜刻畫巒情標領雋致而獨畧於岱不過述馬第伯郭緣生之說而已今得吾師及聶君之書足以窺見泰山真面矣岱覽卷帙較繁非登臨時所能卒業道里記纔七十餘葉坐籃輿者手此一編可以按圖經而攬勝焉原刻漫漶不可識因

覆校正而爲之序道光丙戌歲仲夏月中泮
賜進士出身知泰安府泰安縣事通州徐宗幹撰

余友聶君劍光讀書好古癖嗜山水家徒壁立環座圖書蕭然暇日竹杖芒屨窮山水幽阻處采古今金石文歸輯泰山道里記一帙脫橐後示余余繙閱校讎竊歎劍光洵泰山之文獻也按泰山爲五嶽宗自古傳記所載如馬第伯酈道元諸篇最古厥後作者不一或誇大槩而遺其細或得一二而略其餘蓋限於目迫於時無可蒐訪不足徵信今劍光是編攷稽精審文簡意該於嶽之支麓諸峯脈絡聯屬歷歷如數掌上紋卽附嶽高里徂來琨瑞靈巖諸奧區名蹟皆不憚拂苔披蝕而直抉其原委噫是自有泰山以來人但述其雄奇而未盡其蘊奧者一旦披籍而遇諸目前他日懷古登臨持此

一編以代臥遊無患時勢之迫促耳目所不逮詎非濟
勝一快事哉因亟勸付梓以公同好云乾隆庚寅冬長
至日迂軒李成鵬

往者李進士素伯在京師數爲予言聶君劍光者居岱
宗之陽多識岱故貧而好著書良士也歲乙酉秋予以
使事道出泰安暫一日爲岱宗游欲訪劍光同行顧人
無識之者是日出城北門歷十八盤登玉皇頂抵暮而
回粗識岱宗面目而已其冬復過泰安劍光持刺介素
伯書來見予喜甚然簡書有期不復能入山矣將別劍
光以所著泰山道里記屬予序其端讀之由近及遠由
正路以及四隅較若列眉其間崑谷幽阻昔人遊屐所
未至掌錄所未詳者劍光歷三十年布衣芒屨手捫目
驗而知之其文質而不俚簡而不漏洵志乘之佳者素
伯所稱不欺也予夙有山水癖與劍光同他日再游

岱宗劍光能強爲我行乎書之以爲息壤之約嘉定錢
大昕

岱宗古巡守地昉於虞書見諸周制秦以還社禴事起
子史百家紛紜議論余嘗欲親爲稽訪用備掌錄而惜
少同志者往時丞泰安得交聶君劍光博識岱故雅好
登臨每與同遊凡數閱月歸而劍光著有泰山道里記
示余讀之高卑遠邇綜括靡遺凡曩時耳目所經及足
跡所不到者悉於是編得之夫昔之志岱宗者有泰山
記及泰山志獨惜其亡已久今獲劍光此書隨山脈絡
因物付形而詳審精核勘誤辨疑更足補馬第伯酈道
元所不逮視近代所傳岱史岳紀諸書固卑之無甚高
論矣歲己丑擢長清令間於公務之暇輒據記彙復爲
審定付諸剞劂他日者弛於負擔旋歸故里或卽藉是

以當臥遊則又不異與劍光芒鞭竹杖登陟五千餘仞
間也乾隆癸巳秋杪鐵嶺高怡敘

聶君劍光博學士也曾著泰山
道理記一編歷年既多不無殘缺
失次惜其子孫式微不能修補秀
峰陳道紀與其徒季紀銘身雖羽
士而性嗜詩書不忍听其湮沒因
出京蚨壹百四十餘緡鏤版修補
俾此書長存庶不負聶君著作之
苦心亦使後人披而讀焉而名山

勝境瞭如指掌即此已足當卧遊
矣又何必着謝公之屐彈跋履
之勞哉是為叙版藏雨花道院
光緒二十三年歲次丁酉清和月
上院貢生武夙明題於雨花道
院之西北廳

薛君釗光泰山道里記共七十餘葉諸公
登岱游覽披圖而按之瞭如指掌誠佳志
也徐樹人中丞宰是邑時因原刻湯漣復
校正之自丙戌迄今僅四十載刻本尚無磨
滅蓋系於庚申夏承乏斯土時屢值逆賊
犯東夙夜防堵載藉諸編無暇披閱丙寅
春賊復犯曹州境曾揆帥帶兵至東禦之
暇時便道登岱因思道里記一編可備稽考

及閱是書業有殘缺詢之由荒亂遺失矣
誠恨事也乃搜尋舊編鈔錄付諸剞劂
俾是編復歸完璧然此特記載一端耳泰
山志諸書尚復殘失者不少異時公私暇豫
採訪校訂而補足之誠系之有志而未逮
者歟

同治丙寅夏五知泰安縣事津門楊寶賢敘

泰山道里記圖序

天下至大也無不知有泰山者豈皆身履其地得
其峻屹盡其巖巍之奧者與有傳之者也雖然傳
之矣苟一旦停車馬抵其下則又未必悉其徑塗
不過筍將力人曳之以升於古事蹟既無從考峰
巖勝美亦莫所蹤迹是至之者之親見一如其傳
之之時猶之不至也賢者歎焉余承乏茲郡得泰
山道里記一書爲乾隆閒邑人聶劍光欽所著嘉
定錢辛楣桐城姚姬傳皆嘗來遊躪其說而序之

其時鐵嶺高明府怡爲刊以傳久而漫漶道光初
通州徐清惠公令泰重校以復其舊予得之幸稱
完書矣顧謂稽其詞但以意會若復有圖以輔之
則凡手是書者其不至之至不更快乎迺邀繪師
終其事俾聶子之文有以實焉雖不敢期有見於
嘉定桐城之後方之筍將力人其猶爲前導與光
緒歲戊寅夏月鐵嶺增瑞芝田譔

齋



嶺


56
77




信

樓








五




四






山

廟






祭



宮

禮

殿

寺





民國十八年九月十一日山東第六區菸草局成立
正實於濟南古榜棚街山東菸草局
是年五月廿日令武進殿中丞吳樸舟馮博文及白君屏
珠陵李宗文遊登春頂時由寧令以春及接菸草局也

泰山道里記

泰山虞書謂之岱宗風俗通義曰岱者長也萬物之始
陰陽交代白虎通德論曰東嶽爲岱宗者言萬物之相
代於東方也又嶽之爲言桷也桷考功德定黜陟也禹
貢謂之岱周禮謂之岱山爾雅論語謂之泰山是泰山
之名後於岱也

泰山結體惟魯頌巖巖一語足以形容氣象後人謂泰
山如坐者言一山之體也又曰泰山爲龍者言衆山之
奔赴也舊說皆謂山脈自西而東鄭樵通志謂濟南諸
山其北麓兗州諸山其南麓青齊海上諸山其左翼河
東諸山其右翼終不言其脈之所起李光地禹貢注導

山四條惟第一條言入海餘三者或長或短率無入海
之文且岱爲嶽宗用表青徐之畛迤東卽其入海處經
文不及以是蓄疑曾因 奏對備聞山東諸山之脈自
魯州跨海而來遣官按履經十餘年非意之也蓋自
聖祖御製泰山龍脈論出而百家息喙矣

泰山面西南杜氏通典之說也後人多謂南向蓋登山
者皆由紅門一路適值其南於此仰望峯巖掩蔽不見
絕巔惟自山西南視之則正面出矣亦足徵其非自西
來也其背依東北棨戟排列最據形勝云

泰山道里見於載籍者博聞錄謂高四千丈環一千里
茅君內傳謂周回三千里其說荒遠不可稽唐徐堅初

學記引漢官儀及泰山記曰自下至古封禪處凡四十
里晉郭璞山海經注謂從山下至頂四十八里三百步
唐六典謂周百六十里高四十餘里故俗皆以爲四十
里云然登山者寅上而未下度其時在平地僅行六七
十里而已况攀陟爲勞不足四十里明矣明萬歷間有
叅政張五典者嘗立一法量之其法用豎竿一長一丈
刻以尺寸竿端置一環用橫竿一長亦一丈中置一環
兩端皆五尺取其輕重相稱以繩繫於橫竿之環而又
穿於豎竿之環牽其繩之尾則橫竿可上可下而不失
其平於是以豎竿所立之處視橫竿所至之處則五尺
爲一步矣此以量其遠近也每量一步若在平地則橫

竿由端以至豎竿前後俱著於地若前高而後下則橫竿前著於地而後懸於空視竿所懸處至地尺寸若干此以量其高下也又備一冊每葉畫三百六十格每量一步則填一格平地則於格內填一平字其高尺寸若干亦於格內注之填盡一葉則足三百六十步爲一里其高則累尺寸而計之不爽也由山下至絕頂凡量四千三百八十四步而紆迴曲折皆在其中高三百八十六丈九尺一寸中除倒盤低十八丈五尺七寸抵高數外實高三百六十八丈三尺四寸折步七百三十六步六分八釐平高共積五千一百二十步有奇實一十四里零八十餘步耳

泰安府城舊爲岱嶽鎮自漢迄南北朝置奉高縣爲泰山郡治在今治東北四十里其時兼攝博縣在今治東南二十五里隋開皇時改奉高曰岱山大業初省岱山入博城唐高宗改名乾封宋太祖開寶五年詔遷治就嶽廟真宗祥符元年改名奉符屬襲慶府金初爲泰安軍尋改泰安州治奉符縣元因之明初省奉符併歸泰安州屬濟南府

國朝雍正十三年升州爲府轄州一縣六倚郭爲泰安縣其城內外祠觀名蹟有關泰山掌故者並備錄之府城內西北爲岱廟水經注引從征記曰泰山有下中上三廟牆闕嚴整廟中柏樹夾兩階大二十餘圍蓋漢

岱廟

武所植也。門閣三重，樓榭四所。壇一所。按此廟蓋下廟也。其制初爲遙參門，門與城南門相直。其前卽宋真宗警蹕之地也。門外爲臺，上起石坊。乾隆三十五年奉敕增建，額遙參亭三字。北爲遙參亭，亭一名草參。凡有事於嶽者，拜於亭而後入，是爲入廟之始。自明人設元君像於亭中，遂與廟隔不可通，輦路矣。亭後爲岱廟坊。康熙間，布政使施天裔勅建，北爲廟城，堞方三里，高三丈，門八，南闕者五，中曰正陽，三十五年奉

敕重建，額岱廟二字。東西兩掖門，東掖之東曰仰高，西掖之西曰見大東，一曰青陽，又名東華。西一曰素景，又名西華。北一曰魯瞻，又名厚載。門各有樓，又四角亦皆

有樓。曰翼曰良曰乾曰坤，各隨其方焉。由中門而入，北爲配天門，其東爲三靈侯殿，又東爲炳靈殿。文獻通考後唐長興三年，詔以泰山三郎爲威雄將軍，卽此。大中祥符元年十月，封禪畢，親幸加封，令兗州增葺祠宇。又於廟北墻建亭，名曰靈感，肖像一男一女。亭圯，移像於後寢宮。今仍建祀於此。按俗刻，增補搜神記引唐會要云：泰山有五子，某某三曰至聖炳靈王，配永泰夫人。一女曰玉女大仙，卽碧霞元君。其說妄誕，不足據。殿前漢柏六株，老幹扶疎，有明陳昌言漢柏圖讚。西北隅一株，兩幹。乾隆二十七年

御製漢柏圖詩碑陰勒詩一首，并建亭於殿西，其巖南

乃宋孫明復初闢學館處名曰信道堂併自爲記金堂
覆英魯兩先生祠碑云孫石兩先生講學舊館爲岱廟
所併猶名爲柏林地歲分施錢爲養士之費今則盡歸
道士矣其門外有宋宣和宇文粹中撰修廟碑炳靈殿
北舊爲迎賓堂有司候王人之所康熙間增置三茅殿
乾隆三十五年改建 駐蹕亭配天門西爲太尉殿朱
佐前定錄補所謂關公杜琮也又西爲延禧殿今於祀
三茅於內集仙傳所謂東嶽上卿漢茅盈及弟茅固茅
衷也殿前有元聖旨泰定鼠兒年至正猴兒年碑及杜
翺撰東嶽別殿重修堂廡碑竝山中階唐槐一株古幹
中劈蔭覆半畝有明人甘一麟大書唐槐二字碑其門
外有宋祥符晁迥撰加封碑延禧殿北舊有御香亭爲
貯御香之所所有誠明堂爲祭官齋宿之所於北西爲環
咏亭四垣嵌歷代石刻百餘計種放題跋其亦也明萬
歷間重建乾隆十二年拓新之 於此有
今上東巡謁岱廟四陟岱巔嘗駐蹕於此有
御製環咏亭詩三首勒亭壁北爲藏經堂內貯歷代經
文典諸東爲魯班殿殿前有乾隆三十五年内務府大
臣劉浩賚 帑重修泰山神廟告竣題名碑配天門北
爲仁安門門前有

國朝告祭碑十三修廟碑一左右環立門內東西碑亭
二碑臺四其在東者金大定楊伯仁撰重修廟碑一明

告祭碑六

國朝告祭碑五 御墨亭碑一

今上御製重建廟碑一其在西者宋祥符楊億撰天貺殿碑一明初詔去封號碑一告祭碑五天順間薛瑄撰修廟文於勒天貺殿碑後面

國朝康熙間施天裔修廟碑一告祭碑一又有石幢一制最古通蓋趺高可二丈八面剝蝕無字俗以無字碑呼之而宋宣和龔慶守錢伯言紀游碑陰勒明鄒宏文跋嘉靖間李欽撰修廟碑及明代諭祭各碑悉爲工人徹毀中爲石欄欄內外怪石凡九皆有題勒北爲露臺臺之上屹然中立者曰扶桑石挺然北向者曰孤忠柏

廟內階旁有古檜數十蟠結杈枒此卽從征記所稱漢柏夾兩階者其餘翠柏森列惟露臺西南二株附枝倒垂如綴皆施天裔修廟時所植也露臺東西雙井夾之西井味尤甘美有明州人李欽古井記朱之蕃詩稱香井是也又有鐵桶二大數抱宋建中靖國元年造有奉符縣人李諒題記周以迴廊各繪冥司善惡狀東廊中間爲鼓樓樓後有東齋房北西廊中間爲鐘樓樓後有神器庫從征記曰庫中有漢時故樂器及神車木偶皆靡密巧麗又有石勒建武十三年永貴侯張余上金馬一匹高二尺餘形制甚精是其地也北有西齋房今於北露臺北爲峻極殿卽宋之天貺殿殿九間重簷八角

神庫

祀秦山之神。唐元宗開元十三年封齊天王。宋真宗大中祥符元年加封仁聖天齊王。四年詔加上天齊仁聖帝。元世祖至元二十八年加封天齊大生仁聖帝。明太祖洪武三年改稱東嶽秦山之神。

國朝吳雲聯曰：帝出乎震，人生于寅。康熙二十三年，聖祖仁皇帝躬祀於此，賜額曰配天作鎮。雍正九年，世宗憲皇帝額曰岱封錫福。乾隆十三年，

今上躬祭，額曰大德日生。十六、二十三、二十七年，上皆親祭焉。三十六年，

上復親祭，賜玉圭一，高三尺五寸，寬八寸，色微青。有

御製岱廟詩六首，於勤殿前東西碑亭後爲寢宮。宮五

間宋大中祥符五年冊封東嶽明后

今上額曰權輿造化，東西曰配寢。凡岱廟之廢興可考者自宋迄

國朝皆相繼增修，碑具在。

出府城北門外一里爲岱宗坊，登岱者自此始。坊創於明隆慶間，巡撫姜廷願總河翁大立。巡按羅鳳翔等。圮雍正八年，郎中丁皂保赫達塞奉

勅重建，篆書坊額。西南爲鳳凰臺，漢書宣帝元康元年，鳳凰集泰山，後因其地爲臺，臺上覆以亭，廢猶有土邱石柱。乾隆十二年爲工人掘土所毀。坊東爲鄆都廟，神稱鄆都大帝，配以冥府十王道。經云：鄆都爲陰氣之主。

鄆都廟

岱宗坊

九地之樞機又曰十王之中七日泰山故祀此
今上額曰現因果法墀下有古柏柏頂寄生檜一株根
枝鬱茂俗呼飛來柏廟始於明宏治十四年太監李瑾
建有嘉靖四十一年李欽撰重修碑坊西舊爲升元觀
乾隆三十五年建

行宮於此有

御書體元堂額向多古柏今猶存數株耳

坊北爲三皇廟祀伏羲神農黃帝配以八蜡兩廡祀先
醫明宏治間嘗遣中官致祭有御祝文碑今以歲十二
月八日致祭爲郡人蜡祭之所

北爲升元觀觀初名建封院宋政和八年賜額升元有

初牒碑元至元二十二年張志純重修改曰朝元有徐

世隆碑其神祀東華帝君俗謂之東嶽福神此則自西

南而徙建者

北爲玉皇閣萬曆八年建白鶴泉故道也按明一統志
懸崖瀉出宛如垂練俗史云泉冽味甘異於他水泰山
小史云泉出一天門下一里水西南流迨宋初此城疏
泉濼繞其下城北舊有水道經岱廟東南出折而西南
曰運舟街至城西南出會淙河入泮歸汶嘉靖間舉人
封尚章別墅於泉側引水爲池曰封家池凡輜軒讌集
多於此尚章沒其家苦於供應遂用巨釜塞之復立閣
於上自泉塞後宋燾以州中科目漸稀與當事議濬通

竟爲衆所阻然至今夏秋大雨時閣旁地中猶隱隱如雷吼西南有泉一泓清冽甘美蓋其支流耳乾隆十八年知縣馮光宿建石坊於前額曰白鶴西偏別構一亭二十七年知縣程志隆拓建西爲北斗殿隆慶間建前有人祖殿祀秦始皇蓋本史記所云祖龍者人之先也近改痘神祠北爲金龍四大王廟山東通志稱神爲南宋謝緒行四錢塘人隱金龍山宋亡投茗水死明天啟四年以擁護漕河封今號康熙元年祀此有王紀碑西爲青帝觀顧炎武謂卽月令所謂其帝太皞也隋書禮儀志開皇十五年春行幸兗州遂次岱岳爲壇如南郊又陳樂設位於青帝壇如南郊帝服袞冕乘金輅備法駕行禮畢遂詣青帝壇祭焉按觀創建無攷宋祥符初重修加封廣生帝君有御製碑今佚又北爲金山明立高真院於上今各西眼光殿殿西有眼光泉遊人多於此掬水洗目

自大王廟轉而東北爲后土殿有宋范致君題名勒壁門外有井曰滌塵泉東爲老君堂古岱嶽觀之一隅也唐爲老氏築宮武后賜額曰白鶴自高宗以下六帝一后修齋建醮皆於此觀有雙碑以蓋跌合而束之俗呼鴛鴦碑其字四面每面作四五層書法不一唐碑存於泰山者唯此與元宗紀泰山銘耳顧炎武采入金石文字通串嶽基啟鑿皆岱嶽觀故地按水經注曰古帝升

王母宮

呂公洞

封設舍所跨處有石竅存焉在故觀南趾從征記曰中廟去下廟五里屋宇又崇麗於下廟廟東西夾澗岱史載向尙存古松柏十餘株有趙子昂題刻漢柏二字今與樹俱亡是岱嶽觀在元以前爲東嶽中廟矣東爲羣玉菴祀王母宋皇祐間鍊師龐歸蒙輩居此賜紫服題名於石後人增置藥王殿觀瀾亭石渠夾徑建以橋欄菴前有飛鸞泉又東跨澗古有王母橋今廢旁爲呂公洞唐雙碑韋洪詩謂之發生洞宋錢伯言紀遊謂之金母洞傳純陽子煉丹於此內有純陽石像上爲飛虬嶺宋壽泰山紀事曰昔呂公題詩石壁有虬常對詩頂禮一夕呂公復至揮筆點其額遂化龍飛去因名飛虬云

舊行禮畢遂詣青帝壇祭焉按觀創建無攷宋祥符初重修加封廣生帝君有御製碑今佚又北爲金山明立高真院於上今各西眼光殿殿西有眼光泉遊人多於此掬水洗目

自大王廟轉而東北爲后土殿有宋范致君題名勒壁門外有井曰滌塵泉東爲老君堂古岱嶽觀之一隅也唐爲老氏築宮武后賜額曰白鶴自高宗以下六帝一后修齋建醮皆於此觀有雙碑以蓋跌合而東之俗呼鴛鴦碑其字四面每面作四五層書法不一唐碑存於泰山者唯此與元宗紀泰山銘耳顧炎武采入金石文字迤南嶼基敞豁皆岱嶽觀故地按水經注曰古帝升

封設舍所跨處有石竅存焉在故觀南趾從征記曰中廟去下廟五里屋宇又崇麗於下廟廟東西夾澗岱史載向尙存古松柏十餘株有趙子昂題刻漢柏二字今與樹俱亡是岱嶽觀在元以前為東嶽中廟矣東為羣玉菴祀王母宋皇祐間鍊師龐歸蒙輩居此賜紫服題名於石後人增置藥王殿觀瀾亭石渠夾徑建以橋欄菴前有飛鸞泉又東跨澗古有王母橋今廢旁為呂公洞唐雙碑韋洪詩謂之發生洞宋錢伯言紀遊謂之金母洞傳純陽子煉丹於此內有純陽石像上為飛虬嶺宋壽泰山紀事曰昔呂公題詩石壁有虬常對詩頂禮一夕呂公復至揮筆點其額遂化龍飛去因名飛虬云

王母池 瑤池

按岱史呂公於紹聖政和間題詩二首於王母池卽此其遺刻在今府署南關帝廟壁嶺上舊有巖巖亭金知州姚建榮建并自為記明成化間叅政張盛移建於水簾洞東亦曰洞北為虬在灣卽岱史所謂王母池一名瑤池水經注古者帝王升封咸憩此水是也按宋李諤記稱昔黃帝建岱嶽觀遣女七人雲冠羽衣修奉香火以迎西王母其說荒遠不可稽然老君堂雙碑載唐人題名有拜訪瑤池之語知其久也上有王母樓俗稱梳洗樓圯以中谿經流繞府城東南遂名梳洗河山海經所謂環水也有環水橋明舉人張虎建又南過封祀壇東則河淤伏流至木頭溝復見入泮歸汶總名中谿也

虬在灣北石丁森陰谿水澗澗泰山紀勝謂之小蓬萊
為工人采石所毀崖西猶有巡山李元英等及巡山孫
明叔等題名皆無朝號又唐雙碑內刻宋人題名有巡
山供奉何懷智巡山侍禁李安二官名并存攷飛虬嶺
東為虎山其上有東眼光殿雍正八年建遙與西眼光
對峙

玉皇閣北為關帝廟康熙乾隆間相繼拓修

今上額曰神威巨鎮廟東有憩亭及露井

一天門

北為一天門坊明叅政龍光題康熙五十六年巡撫李
樹德重建自岱宗坊至此四里是入盤道之始凡坊皆
跨道遊者經其下也

孔子登臨處

北一坊明羅洪先題曰孔子登臨處孔子登泰山見於
孟子列子而其駐足之地則誰其見而識之者乎西為
合雲亭雍正三年知州吳曙建有

今上賜亭額

北為天階坊明巡按高應芳題

元君中廟

北為元君廟元君有上中下三廟此其中廟也旁有巨
止亭明天啟六年僧興旺拓建知州于可久記康熙間
建紅門坊於前額曰瞻巖初步為登岱者眾路之會

紅門

北為觀音閣舊名飛雲

今上額曰普門圓應東為更衣亭凡士夫登岱者至是
易便服以行今改彌勒院其南別構一亭東北為黑石

鄧都峪

万仙樓

埠草木森蔚谿內片石如几曰小洞天下有灣曰柳條
飲馬石碇各隨地命名大澗皆然漢枚乘謂泰山之雷
穿石是也東為箭竿峪水南流逕虎山北又東南繞明
尚書蕭大亨先塋側匯水為石馬灣過岱道村呂仙橋
入梳洗河村中有呂仙祠萬歷間建宋燾記碑
元君廟西北為大藏嶺自東趾至巔有石屋各一其南
丹壁懸崖則所謂紅門也西為垂刀山宋時得天書於
此西為鄧都峪俗名鬼兒峪水南流逕金山北又西南
入潦河
觀音閣北跨道為萬仙樓舊稱望仙明萬歷四十八年
建上祀王母配以列仙中為元君

今上額曰景會羣真下為隱真洞其東澗水濛紆匯為
碧泉夾澗多櫻桃茶竹曰櫻桃園古詩冉冉孤生竹結
根太山阿今可見者惟此與普照寺嶽東北竹子園耳
北為桃源峪或謂之桃花澗前人題刻紛紛惜唐代題
名已鑿毀猶有時十月張鍊師因拜岳大歷八年十數
字可識

斗母宮

北為蘓亭順治十六年建為遊人憩息之所圯
北為斗母宮古龍泉觀也明嘉靖二十一年德藩重建
濟南陳輞記

北為高老橋坊自一天門坊至此五里北即高老橋古
有高老創開此道故名有嘉靖三十九年副使高捷重

修橋碑其旁有龍泉水從西北山峽經此東注中谿
橋北山勢突起明置人祖殿今改三官廟東北里許有
敝玉橋址為砲高嶺為石經峪宋陳國瑞題名石經谷
石坪廣畝許古刻隸書金剛經於上字大如斗不記姓
名年號殘毀過半明王世懋輩疑為宋元人筆而無所
指實按北齊武平時梁父令王子椿好內典嘗於徂來
山刻石經二俱隸書字跡古勁與此如出一手則是經
或亦子椿書耶隆慶間侍郎萬恭云近人刻大學聖經
於上端以勝之今佚汪坦刻詩般一章在焉北為水簾
崖多題識稍西石壁中分曰仙峽石又名試劍石萬恭
磨壁為記并建石亭額曰高山流水亭西上舊有聽雨
軒轉而東為龍泉峯又曰栲栳崗石經峪水出焉上

三義溝遶峯後又西南注中谿

三官廟北為水簾洞坊自高老橋坊至此三里一溜深
廣有橋跨之曰佳水流橋西北一里為天紳巖山坳古
洞出水即水簾洞危壁飛瀑名曰水簾泉東注中谿
水簾洞北為登仙橋東折而上為歇馬崖亦曰馬棚崖
言崖可屋馬也岱史云向有墨書三畫風雨不滅傳為
呂仙蹟故又名三字崖大學士祁人趙國麟詩曰一澗
空中落雙崖勢欲連崖忽傾落趙復題云高岸已夷陵
谷變後來休笑畫圖虛西北為雲頭埠峯巒巒起烟雲
中望之若人立或若獸蹲其南有地名曰白楊坊多白

楊樹石下幽杳額曰白楊洞祀彌勒石像有坎池水西南流逕凌漢峯後而下匯為碧油灣水碧于油也俗呼香油灣入西谿

歇馬崖北有聖水泉跨道殿閣鉅麗即明嘉靖昇仙閣趾乾隆十二年拓建改名壺天閣

今上駐蹕於此有

御書閣額及

御製壺天閣詩三首勒東北崖西偏為倚山亭

對閣為元君殿

今上額曰瓊霄珠照

北為玉皇廟

迴馬嶺

今上額曰紫垣凝命

其上盤巖疊嶂為迴馬嶺一名石關應劭謂之天關自

水簾洞坊至迴馬嶺坊凡七里過此馬不能登矣有

御製迴馬嶺詩三首東西勒崖嶺迤西為九峯山轉而

東為十峯嶺岱史稱古雲巖下為鷹石溝旁有一石似

鷹也水南流會石經峪

東轉而上為金星亭西折為三大士殿西北過步天橋

有十二連盤

北為黃峴嶺土色黃赤異他處又名中谿山迤東有

谿南流中谿發源於此西折舊有黃峴嶺坊今圯再上

為二天門坊自迴馬嶺坊至此五里峯迴路轉是為登

二天門

岱之半有廟祀黑虎俗呼二虎廟旁為虎埠石巨石蹲踞如虎西南可覽傲來北有倒三盤

北為快活三路凡三里差不磊峭行者快之一名快活山旁有玉液泉石穴迸水北為跨虹橋

自北而西為增福廟為元君殿西北舊有迎天坊圮北為龍文石文理盤旋若龍一名蛟龍石北為廻龍橋

北為小龍峪坊圮其西即小龍峪石峽飛泉勢若龍噴東崖兩石谿衍中噴清泉曰小龍口西北為攔住山以

疊嶂橫抵谷口也其北為弄月巖有半山亭故陞下為潛龍澗水西南流入黃西河谷不關懸崖隔之天關自

又北而西過雪花橋再上為三盤崖平處三里至此又復欹崎側一石鐫明徐用檢禱雨靈應歌東為御帳坪

片石坦豁為宋真宗駐蹕處有石竅存焉前為飛瀑巖瀑水懸流若濺花鋪玉而下曰護駕泉又名銀河

聖祖仁皇帝御製百丈崖觀瀑詩即此坪北舊有五大夫松史記秦始皇登泰山中阪遇暴風雨休大樹下因

封其樹為五大夫漢書但云大樹不云松也初學記引漢官儀及泰山記云小天門有秦時五大夫松現在蓋

漢人實見其松也泰山紀事松舊有二株蒼秀參天四圍碧石欄根無土蟠於石上萬歷三十年泰山起蛟遂

失松所在以為化龍去按五大夫樹唐陸贄稱為五株今新栽五松有坊額曰五大夫皆好事者為之坊即小

天門岱史稱誠意門自二天門坊至此五里坊側巨石
屹立相傳萬歷三十一年夏自山巔墜此因名飛來有
柯紹皋題識西崖勒

今止御製飛來石詩岱史云誠意門西爲公署東爲五
松亭又名憩客亭明人重建題曰御帳遺蹟今俱亡東
有望駕石如人拱立又東一山曰老人砦有明然子洞
元初劉朗然修道處下爲三叉溝會雙溝而西南流
五松北爲單仙亭圯明人篆亭名於崖兩崖夾徑勒
今上御製五大夫松詩二首

西上爲朝陽洞坊自五大夫坊至此一里

北上爲凌虛閣圯西爲振衣亭址乾隆十二年改建

駐蹕亭於此有

御書勝覽方輿額迤東別構望松亭尋址

北爲元君殿

今上額曰靈府慈光

北卽朝陽洞深廣如巨屋南闢向日舊名迎陽亦曰雲
陽朱衡更名朝陽東爲御風巖磨勒

今上御製朝陽洞詩因名萬丈碑字徑三尺又詩二首
刻於洞東石壁洞北一松獨挺山崖曰處士松有明方
元煥題識塗澤民碣曰獨立大夫治中州人蕭協中泰
山小史云萬歷三十一年一夕風雨失其樹惟碣存焉
其曰處士曰獨立蓋秦封也按此一大夫孰爲封與

北爲對松山坊自朝陽洞坊至此四里兩峯夾路對峙
蒼松踞焉曰對松山亦曰萬松山松厄於石不能大雨
不常及以雲氣沾溼而生且茂枝皆作蛟虬狀風謖謖
清人脾過聖水橋東崖勒

今上御製詩二首詩云岱嶽最佳處對松真絕奇稍北
舊有大悲殿

今上額曰蓮界慈航西有乾坤樓明洪朝選建圮近改
新盤於橋西高阜上或謂之雲門

北爲龍門坊舊額大龍峪坊自對松山坊至此四里坊
東卽大龍峪衆水歸峽飛泉若瀉舊有龍王廟上有金
母殿址北曰雞冠峯片石懸立於上翔鳳嶺南巖也

而東爲新盤口有度天橋明萬曆間參政呂坤建令登
行者上從東而下從西無相踐蹂蓋仁人之心如此
然北南有雁翎峯尖峯峭出蓮花峯下趾也北上崖縫
吐水曰大龍口宋邵伯溫所謂龍口泉大石有罅如龍
哆其口水自中出也

北爲石壁峪兩山竦削壁立東曰飛龍巖西曰翔鳳嶺
中爲十八盤有昇仙坊自龍門坊至此三里攀躋直上
天門忽闕其相距一里餘按後漢書注應劭漢官馬第
伯封禪儀記曰俛視谿谷碌碌不可見丈尺遂至天門
之下仰視天門窅遼如從穴中視天直上七里賴其芋
腸透迤名曰環道往往有繩索可得而登也兩從者扶

挾前人相牽後人見前人履底前人見後人頂如畫重
累人矣所謂磨胸擗石捫天之難也初上此道行十餘
步一休稍疲咽唇焦五六步一休蹀躞據頓地不避
聞前有燥地目視而兩脚不隨劬所述極登陟之狀後
易以鐵索而盤皆密級不必十餘步一休矣有

南天門

今上御製登岱麓詩一首度十八盤詩二首勒東巖
十八盤盡處為南天門舊稱三天門劬所謂天門也其
上有閣曰摩空自是朝天有路矣門外西側有自然碑
高六尺三寸寬四尺八寸不加磨礪因石勒元天門銘
杜仁傑撰嚴忠範正書字徑二寸銘辭古雅書法端嚴

一佳刻也今即其地築臺而是碑遂墜門內舊為三

後祠通志稱周諫官唐宸葛雍周武也宋真宗東封泰

山見三神人於天門因加封建祀後改置於鳳凰山北

遂移鳳凰山之關帝廟於此

今上額曰乾坤正氣應劭曰早食上脯後到天門郭使

者得銅物形狀如鐘又方柄有孔莫能識疑即封禪具

也杜仁傑天門銘序曰泰山天門無室宇尚矣布山張

鍊師為之經構累歲乃成可謂破天荒者也按張志純

號天倪子隱布山在今治西南八十里許

南天門西為月觀峯西偏怪石攢簇即漢官儀及泰山

記所謂山頂西巖為仙人石閭也兩石環立如扉名曰

西天門下為上桃峪桃花峪源也西注混源池中一石

月觀峯

天街

卓立爲君子峯又南爲西神霄山或謂之兩峯巖雙峯
峻特峽口有臥馬峯渠水南流至對松山東注龍峪
關帝廟東北有石坊明人題曰升中今廢
東爲天街廬而市者可三十家徧所謂東上一里得木
甲木甲者武帝時神也是其地矣迤北爲
行宮乾隆十二年建有

御書雲巢額今圯按此地舊稱五賢堂祀孟荀揚文韓
五子相傳爲蕪源明讀書處又有肩吾軒石林館皆其
故址也西爲萬福泉泰山小史云石穴涌流甘冽異凡
時中貴汲以羞上賜名萬福遊人掬之洗目謂可却病
稍北爲避人仄幽僻可棲

自天街北爲鳳凰山其前舊有蓬元坊明人建按各山
洞天福地記第二洞東嶽泰山周廻一千里名蓬元之
天此坊之所取名也南有白雲洞坊萬歷間巡撫李戴
建圯西爲象山爲鎖雲巖又名雲窩卽白雲洞有
今上御製詩勒壁然洞頂東北坦處有亭有軒皆額白
雲李戴記石灶亡洞南深谷陡峻或稱百丈崖水西南
流入石壁峪轉而東爲砧子石南爲蓮花峯五峯攢簇
如蓮花花層寬平亦絕類蓮實迤東危崖萬仞岱史所
謂五花崖仰視不見絕巔崖蔽之也登之視盤道中人
往來雜還如蟻俗又呼望人峯峯頂有試心石二石鉤
連於上登之動搖或云惟心誠則不動迤南有神泉馬

第伯記云飲之清美利人溝水南流達於滌慮谿經對
松山而西注龍峪

鳳凰山東爲圍屏峯卽岱史懸石峯也舊有老君堂圮
東偏爲虎頭崖巨石狀如臥虎南折轉東爲避風崖石
厂深密而向陽宋人題刻殆徧東北有萬壽殿此泰山
小史稱萬壽宮又有御香殿亦曰御香亭萬歷四十二
年建祀九蓮菩薩於造大銅鐘一上有御製鐘讚崇正
十四年復增祀智上菩薩殿圮移像於青帝宮置鐘
於後石屋按二后升祔時先後建祀岱巔於置祀山下
天書觀內東爲鬪仙巖多宋元題名明人大書振衣閣
三字鑿毀過半上有魯班洞稍北有萬歷時所築北斗
壇四面皆門而中通上復爲臺曰禮斗碧石於峙多文
采俗呼輔弼二星取泰山北斗之義也又東巨石黑麗
上鐫天柱峯三字下有宋劉衮馬熙題名東北崖石竅
滴水如貫珠曰珍珠泉晝夜出斛許味極佳迤南有明
置西公署額曰仰止亭凡達官止宿恒於此今亡
東爲碧霞祠元君上廟也文獻通考泰山玉女池在大
平頂池側有石像泉源素壅而濁宋真宗東封先營頰
置泉湍涌上徙升山其流自廣清泚可鑑味甚甘美經
度制置使王欽若請浚治之像頗摧折詔皇城使劉承
珪易以玉石既成上與近臣臨觀遣使礮石爲龕奉置
舊所令欽若致祭上爲作記按古玉女池屬大闢祠基

碧霞祠
元君上廟

適掩於正殿龕座下。今祠東有聖水井。西有玉女池。并建亭遺跡。皆後人傳會耳。岱史云。宋建昭真祠。金稱昭真觀。明洪武中重修。號碧霞元君。成宏嘉靖間。拓建額曰碧霞靈佑宮。按元君之祀。傳述不一。其以爲黃帝所遣玉女者。瑤池記也。其以爲泰山神女者。博物志也。明人崔文奎獨有取於坤道成女之說。蓋謂岱嶽毓神上通乾象降靈下土。故曰天仙玉女碧霞元君。於義吻合。而劉禹錫送東嶽張鍊師詩云。久事元君住翠微。是在唐時已有元君之名。蓋由來久矣。祠正殿五間。像設及蓋瓦鴟吻簷鈴之類。皆範銅爲之。其玉像不知毀於何時也。欄其東一間曰東寶庫。西一間曰西寶庫。用以貯

混施錢

儲諸所捐施。名曰混施錢。蓋卽漢武時所謂聚寶錢也。自乾隆二十四五年以來。每遇四月盛會之期。御賜彝器鼎鑪。匱匱。多磁晶金玉之屬。舊有玉印篆刻天仙照鑒四字。或亦祥符時與玉像竝造耶。又有明人郭詔所鑄銅鼓鼎瓶各識以銘。東西廡設眼光子孫像。瓦皆鐵冶中爲香亭。卽萬歷建金闕處。有方從哲撰金闕記銅碑。及天啟賜靈佑宮銅碑。又舊有秦篆刻石。先是在玉女池上。後移置祠之東廡。其石高四尺。四面廣狹不等。載始皇銘辭及二世詔書。世傳爲李斯篆字。徑二寸五分。宋人劉跋親爲摩搨。得字二百二十有二。近數年前。摩本僅存。臣斯以下二十九字。末有明北平

許口隸書跋乾隆五年廟災是禡瘞置失所明泰山進
香題名記鐵碑銅鼓鼎融爲汁而玉印獨完從燼煨得
之惟一角少缺東西碑亭二南爲重門舊額神秀門前
爲臺綽楔三向有坊三北曰護國靈佑東曰宏仁濟世
西曰聖德安民萬歷間巡撫李輔巡按吳定韓應庚等
建圮臺東有鼓樓西有鐘樓南爲大門舊額金闕

國朝順治十八年知州曲允斌重修復於大門上增葺
歌舞樓東西各築石閣大門外爲焚帛爐又曰火池遠
近謁者焚楮幣於此南爲照屏康熙五十六年六月六
日泰山大水登岱男女漂流者無算盤路祠廟皆圮
命江南學政林之濬江西學政魚鸞翔重修雍正七年

發帑遣內務府郎中丁皂保赫達塞重修立碑祠門
外迤東西爲裁革香稅碑按泰山設立香稅自明始雍正
十三年十二月奉

旨永禁乾隆五年六月二十四日災

命內務府員外郎江都重建三十五年

命內務府大臣劉浩重建皆有

御製碑文紀其事三十六年五月十五夜泰山水盤踞
圮知府夏玢重修凡二十四橋皆恢拓之有戊辰

御製登泰山詩二首刻東亭碑陰辛未乙酉南巡過泰
山詩四首辛卯登泰山詩二首於勒祠門外迤東碑陰
碑側丁丑孟春過泰山詩二首勒祠門外迤西碑陰按

明萬歷間王錫爵撰東嶽碧霞宮碑云庚寅歲近侍諸臣呂進朝等進曰兩宮太后聖壽願往禮嶽祝釐上許之乃立石以紀碑陰有后妃皇子侍臣等題名其石豐壑瑩麗自京師置此然廟災後是碑尙完整近爲工人毀壞殿內先後奉懸

聖祖仁皇帝額曰坤元叶應

世宗憲皇帝額曰福綏海宇

今上額曰震維靈嶽又額贊化東皇鹽鐵論曰古者庶人魚菽之祭士一廟大夫三以時有事於五祀無出門之祭今富者祈名嶽望山川椎牛擊鼓戲倡舞像則出進香之俗已自西京而有之矣第四方男女不遠

里進香報賽皆先有事於元君而後及於他廟也

東石閣外爲駐蹕亭卽康熙中更衣亭乾隆十二年

拓建岱史稱東公署香稅總巡官所居皆此地東南爲寶藏嶺上有獅子石介五花崖望海石間也

岱頂東岳廟

東北上爲東嶽廟從征記所謂上廟在山頂卽封禪處也元時張志純拓建明嘉靖間巡撫曾銑重修布政使

陳儒爲記

今上額曰資始惟元又額上摩蒼昊廟北懸崖削壁爲

大觀峯一曰彌高巖有唐元宗紀泰山銘世謂之磨崖

碑高二丈九尺寬一丈六尺七寸額高三尺九寸寬四

尺開元十四年九月御製八分書并題額字徑五寸額

紀泰山銘

字徑一尺九寸。朱彝尊云：碑銘典雅，或是燕許手筆。而御書遒勁，若怒猊渴驥，羈束安閒，不比孝經之多肉少骨。若唐隸盡如此，何慚漢碑碣乎？王世貞云：其下三尺許，爲搨碑者冬月熇火蝕之，遂不全。濟南府志：碑下截剝落，葉彬補書。按彬所補百八字，形似小異。後列從臣題名字，差小。好事者以古篆鑿毀，猶有開國公臣李仁德、止柱國臣李元紘、臣尉大雅、臣王敬之三十餘字。空處亦有題名，惟顏真卿題名已亾。其巔有大小懸鼓石，下有桃花洞，裂天泉雲水池夾之。又唐高宗朝觀碑，蘇頌封東嶽朝覲頌，皆磨於崖。然佚。康熙二十三年，聖祖仁皇帝御題雲峯二大字。

上御製戊辰二月晦夜宿岱頂詩二首恭頌

皇祖勒崖雲峯二大字詩一首。於勒此崖之西，其上有唐乾封元年劉仁願題記。南側一石高可一丈，南面刻一拳石三字，北面刻聰明正直四字。孔貞瑄謂之真秦山，取五嶽真形之義也。唐磨崖東爲宋磨崖碑，真宗述功德銘磨勒於上，高二丈六尺，寬一丈一尺六寸，額高二尺八寸，寬五尺五寸。大中祥符元年十月御製正書并篆額，是碑有二。一勒山上一勒山下，城南其勒山下者，所謂陰字碑也。其勒山上者，文字徑二寸，額字徑八寸。明嘉靖間鄞人汪坦大書東郊鳴岐等題名一則。又安陽人翟濤奉當事僚友同遊，引漢陳荀諸賢之聚。

云史以德星奏一事自為題名復書德星巖三大字於
巖蓋於上每行約毀三十字下截尚有字句可讀共
得字二百二十有五篆額登泰山謝天書述二聖功德
之銘十三字完好如初原碑字跡猶存何以孔貞瑄稱
只成其額也文獻通考初王欽若言唐高宗元宗二碑
之東石壁南向平峭欲即崖成碑以勒聖製上曰朕之
功德固無所紀若須撰述不過謝上天敷佑敘祖宗盛
美爾命勒石北向以答天眷元好問東遊略記云嶽頂
封禪壇下有唐宋磨崖據此則真宗之述功德銘先經
磨勒岱巔後又立碑城南也乃後人第知有城南之碑
而不復知有岱巔之碑矣

西北為青帝宮李戴重修

今上額曰慈天廣祐東有碧天泉今澗大門外巨石

臥名曰獨石古觀曰古登性靈妙莫言謝秦策岐下

西為後寢宮明稱神憩宮女冠為元君臥像焉

今上額曰德溥坤輿

西為望吳峯俗呼孔子巖韓詩外傳孔子望吳闔門外

有繫白馬引顏淵以指之者也明建過化亭於上圮遂

立孔子廟於下嘉靖萬歷間朱衡郝大猷查志隆相繼

修葺奉以四配後知州秦懋約以非禮撤去

國朝康熙十五年吳雲楊霖又重建善石為像乾隆三

十五年曰因高命大其前高命大其前高命大其前

元君臥像

玉皇頂

今此額曰因高喻大其前有坊李樹德題曰望吳聖蹟
廟西有崇岡曰登仙臺俗史以純陽嘗登此云

德星巖北為泰山絕巔舊稱太平頂俗名玉皇頂有三
帝觀即古太清宮也明成化十九年中使以內帑重葺

隆慶六年萬恭徹觀於巔北出巔石而表之觀中有

今上額曰妙運無為東側為迎旭亭

今止額曰浴日養雲自南天門至絕巔六里餘登岱者

必以此為極焉

絕巔前臺基方廣碣曰古登封臺按漢官儀秦篆刻石

東北百餘步得始皇封所漢武在其北二十餘步得北

臺圓臺臺上有壇謁人多置錢物壇上亦不掃除則武

書所謂酢梨酸棗狼籍散錢處數百幣帛具道是武登

封禪至太山下未及上百宮為先上跪拜置梨棗錢於

道以求福壇以南有玉盤玉龜即此也有

今上御製登封臺詩一首勒飛龍巖絕壁曰元帝

觀大門外有碑而無字高一丈五尺五寸南北面各寬

三尺六寸東西側各厚二尺四寸碑上微狹於下頂似

幢蓋而跌為土壅或曰石表或曰神主石或言其下有

金書玉簡當是石函色黃白堅瑩無苔蘚非嶽之所有

世傳秦皇無字碑然始皇刻石見於史記二世詔書即

刻其上不應既有刻石復立此碑顧炎武辨為漢武帝

立東有巨石勒

無字碑

今上御製無字碑詩。史記封禪書云：上因東上泰山，泰山之草木葉未生，乃令人上石立之。泰山巔上，遂東巡海上，四月還至秦高上泰山封，而不言刻石。是漢石無文字之證。茲碑是也。後漢書郊祀志亦云：上東上泰山，乃令人上石立之。泰山巔，法師古曰：從山下轉石而上，也是其証矣。漢官儀曰：石二枚，狀博平圓九尺，此壇上石也。其一石，武帝時石也。時用五車不能上，也因置山下爲屋，號五車石。今石失其處。封禪書又曰：武帝封廣丈二尺，高九尺，其下有玉牒書。江淮間一茅三脊爲神，藉五色土，益雜封。縱遠方奇獸，蜚禽及白雉，加祠其夜，有光晝有白雲起封中。

絕巔東南爲平頂峯，巔石平，做東北爲探海石。一石橫出東指無依。

平頂南爲乾坤亭，明挾仙宮故址。亭始於康熙二十三年，建中有禍曰孔子小天下處前一亭。

聖祖仁皇帝額曰普照乾坤。今上額曰獨尊宇宙，內有碑丁丑首夏壬午孟夏。

御製登岱詩各二首，勒碑兩面。碑兩側亦有詩二首。東南爲日觀峯，卽漢官儀及泰山記所謂山頂東巖爲

介邱也。其曰日觀者，雞一鳴時見日，始欲出長三丈所，故以名焉。魏莊渠書曰：日觀峯者，夜半可以眺見浴日，

彌望如鋪金者海也。綠色微茫中，有若掣電者海島，

日觀峯

登封壇

山相間也。金色漸淡，日輪浮動水中，如大玉盤適海濱。望而見海，日是矣。王世貞以日觀秦觀越觀為一峯，言觀日出則為日觀，西望見秦則為秦觀，南望見越則為越觀。後人所指某某峯皆妄也。自天門月觀經絕巔至此，皆曰太山頂。宋真宗改稱太平頂也。日觀西為登封壇，蓋唐時築也。岱史載日觀峯西為宋築石函方丈許，亦題刻曰古封禪壇。俗曰寶藏庫，以所瘞金書玉簡故云。唐書禮樂志：高宗乾封元年，封泰山為圓壇，又為壇於山上，號登封壇，旋名登封壇曰萬歲臺。元宗十三年有事泰山，立圓臺於山上，又於圓臺上起方壇，又為圓臺於山下。典禮樂章可徵也。宋史真宗東封於山上，臺又宋史禮志真宗祥符初有事泰山，記載之甚詳也。按前代登封為金泥玉簡之事，皆是其地，而壇基無存。岱史云：洪武初，居民於山中得玉匣，內有玉簡十六，有司獻於朝，驗其刻，乃宋真宗祀泰山后土文。又成化十八年秋，日觀峯下雨，水衝出玉簡，會中使有事東藩，復馳以獻，乃命仍瘞舊所。後建日照觀，嘉靖間復置觀海亭。額曰日觀亭，稍北為望海樓。於地，乾隆十二年十一月十四日，工人於日觀峯側鑿石，得玉匣二，各絨以玉檢，金繩啓視，其一為祥符玉冊，共十七簡，簡字一行，外用黃縵摺疊裹之，見風灰飛，其一未啓，其簡尺寸參如宋史禮志所載。巡撫阿里衮獻於朝。有

愛身崖
舍身崖

今上御製日觀峯詩二首刻碑兩面建亭於上東為東
天門又東為伏虎門峽口陡險下為鷹愁澗烟雲杳
深不可測水東北流會洗鶴灣

瞻魯台

日觀峯南為愛身崖舊稱舍身崖三面陡削絕無尾徑
四方愚民往往為親病誓代親愈則躍身投崖以死明
何起鳴繚垣示禁碣曰愛身鍾字淳曰舍本無舍何況
愛緣非舍非愛作如是觀崖上勒宋政和間題名中立
一石高丈許曰瞻魯臺俗名旛干石東巖題海日奇觀
四字旁有可止臺稍南有方正石端瑩如碑制東南為
東神霄山俗名嚇人峯懸崖天半吁駭殊甚南巖東西
有影翠石下為九龍峪納諸水東南流北折繞神霄臺
匯雲河水見濛東北注鷹愁澗北崖一洞極深做曰清
靜石屋中有清泉元初女冠孫清靜修真處川林僻曠
塵跡罕至故俗呼為仙人場云北為空明山中穴通明
日光穿午美人峯有仙人像今
愛身崖西為仙人橋兩崖成削中三石銜接如梁西為
望海石巨石坦豁與日觀埒西有遙觀洞俗稱昭真庫
高深幽曠遊者憩焉又南石壁峻嶒為蛻仙巖元好問
送天倪子歸布山詩曰後日天門重登覽蛻仙巖下幸
遲雷有王老石屋岱史云翰林王從之跣趺化此稍東
為滌慮谿水澈冽西南流中有突秀峯泰山小史所稱
石筍也峯頂蒼松偃蓋今亡

丈人峯

絕巔東北七里為鶴山松敷巖谷多野鶴巢云

絕巔西里許為丈人峯狀如老人偃僕按漢書郊祀志

云大山川有嶽山小山川有嶽壻唐段成式酉陽雜俎

云元宗封禪泰山張說為封禪使女壻鄭鎰本九品官

封禪後因說驟遷五品兼賜緋服元宗見鎰官位騰耀

怪而問之鎰無詞以對黃旛綽曰此泰山之力也俗稱

外舅曰泰山曰丈人本諸此說郭引黃氏語譏之有

今上御製丈人峯詩勒於上側有碾砣泉今涸

西為石馬山遊黃華洞進路處也呂坤因洞路艱危故

題迴車巖於此

北為北天門舊有石坊額曰元武門今廢

又北為摩雲嶺丹嶂凌空嶺東有夙仙洞危若鶻棲即

馬第伯所云石室也其下為亂石溝水南流過避塵橋

東折經鶴山北又東匯為洗鶴灣夾岸陡險蒼松蔽欲

如梁水滌洄而東注達於谿里嶠

東北為獨足盤明萬歷間創闢此徑林古度大書黃花

棧三字勒北崖崖環做如女牆其上松石杈柯如筍鍾

惺謂之筍城并題記於崖東北又東南兩峯回翔為雙

鳳嶺舊稱大小牛心石亦曰大小蠟燭峯各因形命名

南臨洗鶴灣

獨足盤東北為元君廟內有萬松亭後改彌勒殿自東

西為蔚然閣下祀呂仙東有三官殿祀移像於元君

後石塢

殿西舍明隆慶六年胙城大輔國將軍睦施建有禁約
碑萬歷崇正間州人徐霧哉王度皆讀書於此廟北爲
天空山俗稱玉女山其巔平坦呼爲堯觀臺岱史云堯
嘗登此意或因遥觀而誤之耶臺前古洞清邃曰黃華
俗以環洞多黃花故名傳爲玉女修真處中有靈異泉
東一洞口蓮花石瓣倒綴如蓮懸霽涓滴謂之石乳泉
積冰恍如玉柱有

今上御製蓮花洞詩勒壁卽岱史所謂後石屋也然鐘
亭下亦有石屋出地道可通蔚然閣後人於其地立元
君墓傳會滋甚自迴車巖迤邐至此總名後石塢俗呼
後十五言南天門至此十五里爲輿區云

自天空山東爲九龍岡上有鱷池清可鑑髮俗呼玉女
洗頭盆北爲鳳凰池東北爲飲虛池東北八里爲磨山
爲五女圈石岱史云夜有呼號相方之聲詰朝巨石壘
成圈蓋五仙女爲之又有張遠砦天空山北爲拗山嶧
圓秀拔爲仙人砦砦可容千人摩雲嶺北爲明月嶺羣
峯秀列儼若屏嶂泰山紀事宋張景巖結茅隱此曾產
紫芝一本因名採芝菴旁有燕脂石色如塗丹又北爲
懶張石屋相傳明張三丰煉真處其西爲孤山峭嶮特
起東北爲小冰牢峪卽岱史天牢峪也陰壑層冰經夏
始解因名凌冰洞水東北流入天井北爲眺平臺舊多
花木天地運度經太山北有桂樹七十株其實赤如橘

也西里許爲揚子峪崖岸深陡四十餘里爲半邊山似攀去其半也眺平臺西北六里爲大冰牢峪石四柱閣又曰冰穿視冰洞危甚水東北流入天井

其在東南麓者對松山東有松巖老松森疎陰靄蔽曰西北有婁子洞傳漢婁敬會棲此高深嶮僻南爲馬鞍山兩山叢起如馬鞍西南爲祝雞砦石嶂縱橫六七里中凹如削有泉出其巔曰懸涼泉瀑水南流達於雙溝迤西則所謂老人砦也其南有巨石紫潤俗名屏華石又南危崖鑿磴或呼石練陀旁有九間石屋又東南爲延坡嶺雙溝環涌嶺北諸谷水皆匯此又名東谿山爲東谿發源也水東南流約五里合於艾峪而注艾峪東

有艾窪村地多艾東南五里爲栗子峪水南流逕小津口下延坡嶺南爲楊老塢岱中稱楊老圍嶺崖險阻上却平曠昔楊老避兵於此南爲摩天嶺端巖特起雲至此多散去一名爭雲峯迤南爲屏風巖嶺巖之間橫溝涌流而東導南折逕凌漢砦西曰堰嶺河河腹雙泉遞涌匯爲金牛灣又東南右納青龍泉水又西南會梳洗河屏風巖前爲四陽菴一名潛仙舊址在西南明萬曆初道士柴慧菴修煉處蕭大亨移建於此菴南石竅瀉水曰福泉又南爲迴龍峪有筆架石雙流旋繞東南會環嶺河凌漢砦東爲繡彩灣水東南流經白家河入十里河自摩天嶺東西里爲鵠鵠崖峭壁巢野鵠東二里

爲風門又南三里爲臥龍峪本名五龍峪東二里爲中陵山東二里爲水牛埠東北爲小津口村東西椒山夾之水東南流入蠶滋峪又南至沙溝入汶山西爲椒子峪南里許有杏園栗椒杏各以樹之多者得名南二里傅家村旁有石舟巨石上浮如舟也南里許有地曰謝過城岱史云齊魯會夾谷後歸田謝過於此然左傳所不載夾谷今在萊蕪境也謝過城東里許有漢明堂遺址案水經注漢武帝元封元年封太山降坐明堂於山之東北吐武帝以古處嶮狹而不顯也欲治明堂於奉高旁而未曉其制濟南人公玉帶上黃帝時明堂圖圖中有一殿四面無壁以茅蓋之通水環宮垣爲複道上

有樓從西南入名曰崑崙天子從之入以拜祀上帝焉於是上令奉高作明堂於汶水如帶圖也古引水爲壁雍處基瀆存焉岱史云其地舒衍突起石岡巔平而高四丈許周約三畷後枕嶽麓支山如展障左右如衛從然谿水潑洄南會於汶遙望徂來如列屏案當時朝會之規宛在元人題刻明堂故基四字今佚乾隆辛卯御製漢明堂詩立碑其上艾峪水自北來匯此西折而南因名明堂泉其經流曰十里河山泮歸汶總名東谿也泰山泉壑甚多府志誤入卞橋海眼葛溝三泉均屬蒙陰縣境十里河東四里有紅亭遺址春秋昭公八年秋蒐于紅向有土邱今其邨訛爲紅廟云椒山東八里

爲杏山有餐霞洞下爲王老峪土邱高廣又西南爲水泉峪漢明堂東北二十七里有奉高故城今故縣村是也旁有大雲禪寺金大定四年勅牒勒壁水經注奉高縣漢武帝元封元年立以奉太山郡治也縣北有吳季札子墓在汶水南曲中季札之聘上國也喪子於嬴博之間卽此處從征記曰嬴縣西六十里有季札兒冢冢圓其高可隱也前有石銘一所漢末奉高令所立無所述敘標誌而已碑石糜碎靡有遺矣唯跌存焉按奉高城東北七里北禪村旁有大家疑卽季札子墓又東南八里過擡頭村有古城遺址卽春秋時齊之博邑也哀公十一年會吳伐齊左傳五月克博壬申至於嬴按嬴

邑故城在今萊蕪境也

其在西南麓者對松山西南有五陀巖紅葉嶺砂石溝諸名稱西南四里爲石緘山訛曰石後又名西谿山下爲黃西河上納龍峪之水經黃峴嶺西故以名河爲西谿發源也又西逕九女砦南一峯高處奇簇若蓮岱史云昔有九女避兵於此地多石英白者如水晶有色淡紫者瑩徹五稜魏書景初元年增崇宮殿鑿太山之石英也又西逕三尖山南山西脅有石丁下爲轆轤岡自九峯西爲仙趾峪一名馬蹄峪有仙人草履跡長尺餘馬蹄跡徑五寸水西南流逕雞塘嶺下與黃西河會又南逕丹穴嶺東其嶺黃壤舒衍西下爲八里溝又西逕

鳳皇山北匯爲馬蹄灣北受八里溝水又南過竹林寺西故又曰竹林西河寺莫知所肇自唐迄金屢經興替元元貞初僧法海重修李謙記明時滿空禪師重建萬歷間陶思聖等重修吳維城記其時菴竹千竿銀杏雙挺今蕩然矣自白楊坊南爲凌漢砦砦可容數百人高處爲凌漢峯丹嶂蒼渠或名金泉峯也峯南有嶺曰振鐸峪曰黑虎水南流匯爲新泉西折過子午橋而注中爲普照寺唐宋時古刹金大定間奉勅重建額曰普照禪林有勅牒石刻勒殿壁明永樂間高麗滿空禪師國朝康熙初崇川詩僧元玉先後卓錫於此寺東有元玉別構石堂并自爲銘復大書石堂二字左右題墨一

寺二處各系以長短句旁爲元玉塔有太史淄川唐墓賚塔銘寺之西南爲滿空禪師塔而塔銘碑近移寺大門內塔北爲魯藩相田時耕墓西北有臥象石又西北爲投書澗水南下東受新泉之水又西南交流岱史云投書澗胡瑗讀書於此十年不歸得家書見上有平安字卽投澗中澗上有碣曰宋胡安定先生投書處西爲上書院世稱泰山書院舊有石介記勒壁今亾党懷英曰孫明復石守道築室泰山下以爲學館屬大關嶽祠孺墓甫迨乃北徙山麓而鄉人指以爲上書院者則其所徙地也元好問曰太山上書院唐周朴所居宋孫明復居之明嘉靖間僉事盧問之妥孫石神位於此顏曰

仰德堂後又合祀胡瑗爲三賢祠春秋致祭康熙五十年學政黃叔琳知州徐肇顯重建乾隆四年知府蔣尙思重修東偏舊有明人別構有松亭并題識授經臺講書臺諸蹟祠迤西爲香水峪上接投書澗諸水西南流會於西谿上爲三陽觀舊名三陽菴明嘉靖時德藩建鍊師王三陽廬此萬歷間大興締造有大學士東阿于慎行碑記東南爲木末亭慎行之所名也自北石級陡絕而上旁有全真崖嶺巔曰天外多松榭轉而東有石丁曰三陽洞一名勝禪洞觀大門外有救苦臺南側有三陽墓又西爲傲來山巍峩特起有與岱爭齊之勢又名芙蓉峯其巔一洞曰歸雲內有石池涌流自竹林

寺西南入高岸深谷人單行攀藤附葛而上石竇可通曰砦門有金貞祐題名西旁一洞中可窺天者三名曰三透天俗呼玉皇洞南爲天勝砦坦處可容千人岱史云漢劉盆子等聚兵於上有演武場張旗石及柱窩確磴之蹟按泰山紀事云岱西南峯最陡峻處有劉盆子砦琅邪人樊崇起兵於莒轉入泰山後議立盆子時兵已數十萬鼓行而西則盆子固未嘗據此特以崇歸盆子部下名劉盆子者耳元初有文書在石上云於奉高山天勝砦卽此山巔東北懸石通明俗名獅子峯時行全之徒德友亦避地於此旁有懸刀峯東爲扇子崖傾崎宛如摺筴明蒲坂楊博題曰仙人掌崖北舊

多青桐曰青桐澗水東流入竹林西河明季州舉人王
無欲築室崖巔復結茅其下曰西山別業其時櫻桃夾
徑松檟盤紆今濯濯矣僅存石廟曰無梁殿祀玉皇下
爲石閣閣洞四虛上祀元始天尊於無欲建碑記在焉
東有仙桃石巨石嵌空如桃東南有會仙菴北澗水東
注西百丈崖青桐澗北危崖類彘狀俗稱壺餅崖其陽
有劉盆子洞仰視洞懸絕而門塞西北二里爲火焰山
一峯黑魘特異南崖一洞深邃志稱觀音洞俗訛魔王
洞下爲石屏峪水西南流過黃金口入龍潭西一里有
水音砦平處亦容千人天勝砦西南爲弄水巖雙峯嶺
也又南爲雞籠峯圓垂如籠卽宋錢伯言紀遊所稱處
也會仙菴東爲飛鴉峯石色深黝忽若人形對拱稍白
者西赭者東曰仙人影泰山小史所謂衣染古烟碧神
凝秋水清者也又東爲東百丈崖瀑瀉若垂紳名曰天
紳泉下匯黑龍潭沉碧無底稍西南爲忽雷灣岱史云
天將雨時每聞雷聲迅發於此又西爲西百丈崖視東
崖倍高懸流如挂練亦曰水簾泉東上爲招軍嶺舊有
石塢菴又有萃美亭金知州姚建榮建元奉符尹王悟
重修廉訪使徐琰記云面水簾而瞰天紳諸景咸會因
榜曰萃美亭亭圮記石亦亾又南爲白龍池懸崖絕壑
殆非人境池北層崖橫互上復峭削形若舟岱史謂之
石舟上鐫元圭石三大字下層徧刻宋人題名顧氏金

石交字記載之未盡也池東有三充石前爲淵濟公祠
舊史云宋元豐五年封白龍爲淵濟公始建祠縣人趙
魯爲記是池禱雨輒應元明多刻石祠中今坎亾惟元
聖其時感澤記碣尙存漫漶無撰書人姓名岱史稱知
州路希尹撰文矣乾隆十三年

車駕東巡時小旱遣官致祭於池遂得雨南爲鑼鼓灣
水激石嵌如鑼鼓又南爲耀星灣澄澹深靜西崖平削
刻弄水巖三字又南一石屹立勒雞籠峯三字又南爲
大峪中一石如匣曰劍匣石一石中分如劈曰試劍石
一石如人影戴巾持劍而坐爵一足曰仙影石又南石
峽寬隘者二曰大石峽小石峽自黃西河經龍潭龍池

至此爲西谿會歸處谿水東折迳元怵兀博羅驢墓北
俗稱土公土母南一里有豐碑額曰大元太師泰安武
穆王神道之碑銘延祐四年四月姚燧撰并八分書篆
額兩面皆有篆額文起南面而北上截字猶可讀下截
多殘缺墓西有播鼓石谿水又南東受廣生泉之水繞
府城西南迳古汶陽橋及漆河橋下又南入泮歸汶總
名西谿也乾隆三十四年七月四日漆水泛漲上下河
畔廬舍男女漂流者無算汶陽橋北爲天書觀岱史云
觀本名乾元門閣三重殿廡三所宋史禮志大中祥符
元年閏六月八日封祀制置使王欽若言泰山西南垂
乃山上有紅紫雲氣漸成華蓋至地而散其曰木工董

祚於靈液亭北見黃素書曳林木之上有字不能識言於皇城使王居正居正觀上有御名馳告欽若遂迎至官舍授中使捧詣闕因建天書觀於此按天書卽欽若所爲黃素書也當時君臣相欺侈言祥瑞其書詞見三

朝符瑞志龍圖閣待制孫奭曰天何言哉豈有書也國初張習孔雲谷賦餘遠謂今世失傳何也觀大門內舊有泉有亭明人題刻醴泉二字文獻通考兗州乾封縣民王用田中有童兒掘土得小青錢數十爭取之錢墜石罅因發石有涌泉二十四眼味極甘美又枯石河復有涌泉二十五眼又一眼出層阜之上經宿勢浸盛又別引數派雙魚躍其中有果實流出似李而小味甚

及古今錢百餘封禪經皮制置使王欽若貯水馳驛以獻分賜近臣詔設欄格謹護之六月詔建亭以靈液爲額宋濤曰余童穉時猶見觀內泉出石崖下注有垂楊數株大二十圍蓋宋祥符時所植今樹旣烏有而泉又鑿深爲池非其舊矣岱史云岱頂玉女池北有靈液亭宋史無之泉側鐵浮圖十三級明嘉靖十二年造自正德間卽其中爲元君殿嘗遣中官致祭有御祝文勤殿東壁其後爲九蓮殿萬歷間命中使特修告竣改天書觀顏爲天慶宮岱頂天啟五年金碑所載也又其後爲智上殿崇正間勅建副使左佩玳碑云皇上追崇孝純皇太后爲西天淨土極樂世界菩薩上號曰智上建

寶刹於岱辛巳啟土鳩工三載告成攷神廟時尊孝定
皇太后爲九蓮菩薩卽今智上前殿者像設皆範銅鍍
金爲之按九蓮菩薩語見毛奇齡彤史拾遺記乾隆十
一年觀大門樓災其西有翠陰亭亦宋時建圮西爲泰
山書院乾隆二十九年知府姚立德購置民舍改建知
縣程志隆記西北七里爲

皇碑亭有康熙三十七年萬姓感

恩碑其北一亭有四十三年

聖祖仁皇帝御製詩勒壁西爲下泉其水自傲來山西
飛瀑而下中有石鼓巨石如懸鼓也東南流入泮西五
里爲大埠嶺古有大佛寺範銅爲像高丈餘

其在東北麓者九龍岡東爲天燭山兩峯矗立如炬
西遙相對峙卽吳同春續遊泰山記誤指爲介邱者也
按廣雅小陵曰邱則非高山可知矣其下爲谿里峪巖
穴深邃涌泉不竭昔有魔女化此又名風魔谿東南流
入埽帚峪天燭山東爲分水嶺其南則有埽帚峪李家
泉諸水其北則有旋螺峪冰牢峪諸水皆循嶺分流焉
東二里爲觀星嶺東北卽李家泉水南流入粟子峪分
水嶺東爲嵬碌峪有村曰大津口產檀栗東北多榭林
世謂之山蠶廠北五里爲竹子園其西地極平曠羣峯
環峙林木鬱蔥雙谿澹澹繞交流中爲周明堂故址封禪
書太山東北陞古時有明堂處齊有太山之明堂是也

漢之廢基又在其旁今稱明堂村訛曰明家灘據金學士党懷英谷山寺碑云嶽東北陲有明堂引沈存中說而以爲漢蓋懷英生長泰山通掌故本水經注漢武帝封太山嘗降坐明堂於山之東北陲逼近周明堂處武帝以古處嶮狹不顯令奉高作明堂於汶水如帶圖在山之東南陲去周明堂三十里又岱史稱周明堂故址在嶽東北麓旁有谷山寺蓋指地之著者而言按寺基嶮僻距明堂尙十里顧引懷英碑記強爲牽附殊未可信明堂南爲大峴山西南爲黑山西北爲谷山屹翠特異絕頂孤松挺秀俗名定南針頂之西南有黑闥石屋頂之西北有金礦洞二其在東者懸崖上下二穴水自崖巔下注其在西者一穴幽暗出水人不能入洞外多裂石紋皆結紫石英卽岱史稱金絲洞元初邱處機煉丹處也又東北有蓮花峯谷山西北爲恩谷嶺兩山中峽俗名鴈嶺河水東流匯爲天井灣嶺北爲佛峪亦曰佛谷水東流與馬跑泉會其上有寺額曰谷山玉泉禪寺元魏時僧意降錫處至金釋善寧重建有党懷英撰谷山寺碑及泰和太安間勅牒碑東有古井水色紫黑充盈遇旱不減懷英八分書玉泉二大字碑東北而上爲藥師七佛閣元至元間釋普謹建久圯學士閣復碑記在焉北爲返倒山爲青岡峪水東南流入天井爲仙臺嶺卽長城嶺其上石臺有二曰南拱曰北拱遙相對

時山東通志謂漢武帝於此望祀蓬萊而史無其文也
又北踰仙臺嶺至玉皇嶺為歷城長清界仙臺之陽有
馮跑泉又名莎草泉水南流逕牛欄口西又南入天津
河自牛欄口東十里有地曰藥園蓋昔人嘗種藥於此
又有千戶廳稱名無攷東三里為龍門山溝水東南流
東北五里為鹿町山有黃伯陽洞岱史云戰國時黃伯
陽修隱處也大津口東五里為青山絕頂巨石如冠漢
書昭帝元鳳三年春正月太山大石起立高丈五尺有
白鳥數千集其旁焉南為望仙臺岱史云漢武帝築也
東南有皇姑菴青山東四里為升仙嶺東南為石汶源
出天井灣納諸谷之水東南流繞周明堂側曰天津源

旋螺峪水又東南逕竹子園南右會鴈愁澗水又
南逕大津口村北又東逕青山北曰麻峪河北四里
有仁育菴又東左會龍門溝水又東北介仙源嶺鹿町
山之間曰津拱河陡岸深凹昔人所云石釜也又東北
左會巖沆河水又東而南即入石汶處北八里為門家
壑為會仙觀故址元道士孟養浩修煉於此有至元五
年鹿杰記碑旁有方井井四洞淵泓莫測觀北為雨金
山有伏金石傳昔大雨沖出金礦東北六里為大盧山
東南三里為小盧山中夾巖沆河過黃坂前村東西北
十三里為轉山為石隴砦

國初侍郎王度知縣范惟粹故居也自黃坂東北過兩

肅然山

港村三四十里至長城嶺下榭林尤勝巖洸河發源於此小廬山東八里為祝山單椒圓特有

國初巡按趙宏文墓東北二十里為九坂嶺為九曲峪水西流過雨砧崖淥池南折至九頂山後又東匯金井河東南一山曼衍背聳谿深上有數穴如頤俗名芴山又曰石窟山或稱肅然山者誤封禪書漢武帝禪秦山下趾東北肅然山舊志未詳顧炎武攷引西陽雜俎以長山縣長白山當之非是魏書崔光傳弟敬友嘗於肅然山南設食以供行者又燕燕王許保北有山碑云古宿巖山恐即肅然山也按揚邱山東有小陵舒陽嶺是其地矣自祝山東五里為狼虎谷水南流入汶

史黃巢死於秦山狼虎谷聞見後錄巢為尙讓所急陷秦山狼虎谷乃自髡為僧得脫於此叢存攷東北三皇為九頂山南有大家俗稱為黃巢墓金井河繞山東南折而西南其河西涇曰西金井人或淘金於此以東金井在河東涇萊蕪境也又西南逕汶里村東入汶岱史載嶽西桃花峪嘗有人採白金礦山海經云其下多金是也又云其上多玉今不可見然嶽巔時炫光彩意或玉韞之輝與文獻通考後齊天統初岱山封禪壇玉璧自出殆其驗矣石汶又南逕崖下村東有育英書院明州人李汝桂講學其地世稱理學名儒又南有李汝桂墓石汶又南逕山口村東抵故奉高西自天井灣至此

透折九十餘里左受萊蕪原山之水過古博邑城北合
爲塹汶西南流有塹汶河村碣曰古靜封鎮縣志誤以
大汶口村當之也按述征記太山郡水有北汶羸汶牟
汶柴汶與水經注之石汶世稱五汶皆源別流同其經
流總名大汶又西南與萊蕪之牟羸二汶會經無鹽山
北又西南過博縣故城南右會北汶而南折循徂來西
麓過陽關故城西至大汶口東左納柴汶本名小汶大
小二汶交流又西南經東平汶上界入南旺湖分水口
南北分流曰運河也

其在西北麓者避人下西北有船石層崖闊數丈西北
爲看月巖爲沐龜溝水西北流經李子溝至老虎窩入

桃峪又北土地平曠亦曰快活三里有雲臺菴故址菴
後石下深廣而西闢曰夕陽洞所謂上石屋也自桃峪
之北而起者其水過陀頭巖南折而西北爲混元池石
岸皆黑中央獨白如月印激潭又西北過鴈窩崖西陡
崖多鴈巢北爲清風嶺其嶺延亙孤高鑿磴崎嶇下爲
老虎窩石穴深暗中有水又東石下相通最深敞側有
元都觀久圯又西北爲龍灣邱巒突出如島嶼下有碧
花池石皆碧紋天然池甃又西北逕黃石崖南稍西林
木匝里許中爲野人之廬轉而北三里爲映霞峯舊有
傳老菴下爲香泉水南流入桃峪西北爲猛虎溝蓋孔
子嘗嘆苛政猛於虎後人強名之耳爲花園地多金銀

花爲青天嶺北至長城嶺兩嶺夾澗其澗一源兩分卽水經注分水谿也一東南流一西北流西北流者出青天嶺西南至泰長兩縣界首村過濬川橋折而西北其經流曰中川循長城舖達於崑山左納靈巖諸谷水而注東南流者遶青天嶺東麓南折左會虎溝水過海眼桃花峪再轉東南其經流曰北汶與中川分流各半故又名泮河或謂從桃花峪分流非矣按長城嶺俗呼大嶺古長城所經戰國策所謂齊有長城巨防者也史記六國年表齊威王十一年趙取我長城楚世家還蓋長城以爲防正義曰太山郡記云太山西北有長城緣河經太山千餘里至瑯邪臺入海齊記云齊宣王乘山嶺之上築長城東至海西至濟州千餘里以備楚今太山郡記齊記皆不可見而竹書紀年謂周顯王十八年齊築房以爲長城其時蓋齊威王之二十八年而顧祖禹讀史方輿紀要引管子云長城之陽魯也長城之陰齊也則春秋時已有長城矣城因山爲之起平陰之防門緣太山北岡而東徑萊蕪博山臨胸沂水莒州日照諸城蜿蜒幾二千里至膠州海中大朱山止焉太山郡記及水經注括地志皆謂至瑯邪臺入海或指地之著者而言其實相距尙六十里也猛虎溝西南爲河上林村多桃樹峪水又西南曲中有石窟深不測曰大海眼西納白草峪水峪南爲幞頭巖形如岸幘西南爲老鴉峯

俗名老鴉尖東南舊有碧峯寺圮蕭大亨碑記在焉西
南爲鞦韆山下爲鞦韆峪有桂師菴故址西崖一洞深
窈岱史稱白鶴洞所謂下石屋也又南爲龜灣其下長
石鼓斜曰石鯉達於小海眼西南爲西神庫巨石朗潤
豁訝躋之搖動或謂中有寶藏云又南逕中軍坪石闕
多文彩又南注大小養魚池迤西爲襁負山卽岱史襁
山也以大山負小如襁子狀山半有鏡見石徑一丈餘
瑩削如鏡東南有坦地約十畝俗呼臺子地舊爲古雲
臺菴有明正德釋道轉重建三教堂碑西南爲元君廟
內有玉皇殿及鐵佛殿移碧峯之鐵佛建此魚池南卽
桃花峪會歸處舊時多桃樹又名紅雨川有

思鄉嶺

今上御製桃花峪詩勒北崖又西南出峪口再折而東
經新莊達於廿里舖又東南過高里山南又東南過全
標店東自分水谿至此傾曲凡八十餘里總名泮河上
納三谿之水合於大汶河自桃峪之南而起者混元池
下三汶澗自西來入之西爲十字峯峪水又西北大倒
溝自西來入之溝西爲青龍宮故址南爲青嵐嶺西爲
丁香峪多紅白丁香花西爲思鄉嶺岱史云人死魂歸
於此而思鄉也峪水又西北小倒溝自西來入之溝西
爲南頂峯巒突起頂西南爲胡桃園多胡桃樹南爲梯
子山爲石厂溝西有玲瓏石梯子山西南爲透明山陡
削玲瓏北拱老鴉峯宛如几案南有摩耳石東南爲東

神庫石若垂簾無苔痕時或光彩閃爍與西庫埒東爲龍山上爲姜倪砦南一石若人形名曰真人峯西南爲黃石巖巖南有白姑菴白姑無所考或因黃姑而傳會之耶南爲車道巖北有雙溝如轍跡又西爲筆架山五峯排列崖岬倒懸多野巢卽岱史雕窩山也山北爲羊欄坡石岱史謂仙人牧地周有巨石秀麗尤奇山南爲燕脂坡地多燕脂瓣花青嵐嶺南爲猴愁峪西爲白練石屋中巢拖白練鳥西南爲水闔石屋出水不竭又南爲拔山視諸峯差高岱史謂之鴈飛嶺東有一石聳立曰回鴈峯東北爲燕窩石大石有窟如燕窩轉而南爲水鈴山水聲觸石似鈴也東南爲烏龍潭西爲壇子澗

拔山西爲五峯頂東巖蒼松巖嶺俗呼松樓東北有黃姑菴按黃姑牽牛星別名也拔山五峯之間曰風門南爲迴風嶺下有枯石河水東流經龍潭南折過大埠嶺東入泮又南爲西橫嶺其嶺西自桃花峪東至烏龍潭橫亘二十餘里西上爲黃金口西北爲海棠峪多秋海棠花高三四尺夏月卽開西南爲臍子溝中有臍子峯一石崛秀流水盤旋西爲刺楸山以多刺楸樹得名西爲土縣山陡險巔平黑壤十八畝西南爲駱駝嶺有藏峯寺創於元重修於明有碑記東爲蕞草泉南流入泮西爲穉峪西二十餘里爲三綰山三峯相連如鼎足有龍駒寺明時重修寺前古木參天甘露泉東流入於泮

西十二里爲黃山沈泉瀝瀝古有延慶院宋海定禪師
重建元明皆重修之額曰雲臺寺州人周冕記西爲肥
城縣界

其名蹟在城中者岱廟東南爲東嶽冥福禪院唐開元
間創建後唐釋智順後晉志隱皆相繼增修僞齊時海
巖重建改曰崇法禪院元重修之內有後唐長興四年
勅牒碑僞齊阜昌二年重刊額曰特賜冥福禪院地土
之記碑上下兩層字大小不一後晉天福周元休撰東
嶽冥福禪院新寫藏經碑明正德任文獻撰重修寺碑
可考佛頂尊勝陀羅尼經幢無年代書人姓名金泰和
堯懷英撰新補經釋迦佛舊像斷碑云舊爲嶽祠與區

釋迦佛像主伴凡五位茲遷置於賜書閣之廢基有鄉
老趙璠以正殿曠久始就緒重新之其曰賜書閣則藏
歷代勅牒及御書經文典誥處今斷碑移置縣署土地
祠壁南爲龍王廟卽宋封白龍爲淵濟公也乾隆三十
年知縣程志隆以白龍池淵濟公祠久廢始建祠城中
東有會真宮卽古奉高宮宋真宗東封嘗齋於宮之穆
清殿以宴羣臣父老者也岱史云元張志純居會真宮
數載道行超羣輩賜號崇真保德大師授紫服宮在明
時尚有玉皇殿及李白詩刻成化十八年重修萬歷二
十二年八月初七日悉燬於火僅存志純偈頌勒壁後
卽故址改建關帝廟歲時致祭於此內附張僊祠岱史

云唐開元中與李某同至泰山學道李辭歸襄陽後張
傑繫林檎以示異故祀此又南爲魯兩先生祠其學館
向在岱廟地併於廟而後徙於山麓大定十九年始建
祠於大門之左党懷英記此則成化二十三年知州胡
瑄請於朝而建者吳寬記

國朝順治十年學道施閩章等重修爲文以記今名二
賢祠西北爲和聖祠多明人石刻歲時祭焉岱廟西北
爲長春觀元初知州張郁建金鄉女冠訾守慎嗣法於
燕京長春國師後修真於此賜號妙真觀北有中統二
年元和子記碑金石文字記云長春觀有元丁亥年碑
岱史云有邱神仙牒及成吉思皇帝勅旨碑於亡按邱

神仙卽元之邱處機成吉思皇帝者元太祖尊號也
城北門外西北隅爲白雲觀明萬歷間周藩奉國將軍
勤鯤建祀王母其後增祀元君殿設雕欄樓榭層暉令
改稱梳粧院其東爲駐蹕亭乾隆三十五年建
城東門外東北隅爲風伯雨師廟元至元年建岱史云
按天文志風伯箕星雨師畢星也先是廟廢止遺一碣
明成化二十二年旱雩不雨或油然雨狀輒爲風散知
府蔡晟詣其所祭之風息大雨如注因復立廟尋祀嘉
靖中知州鄭彛易以壇

城南門外迤東有臺基其上卽宋真宗登泰山誦天書
述二聖功德銘五石合成制若屏障高九尺通寬三丈

三尺一寸額高二尺八寸寬四尺八寸與岱巔殘碑字
畫無異以圓臺在山頂故字從北向俗呼陰字碑明巡
按吳從憲篆刻其前曰秦陰碑其北舊有從憲所建秦
陰亭并自爲記揭其亭曰昭事上帝翌其門曰升中古
蹟東南爲宋封祀壇故址真宗東封時所築有王且壇
頌碑又有九宮貴神壇久廢陰字碑南爲朝覲壇故址
有陳堯叟壇頌碑壇上舊有壽昌殿真宗以朝百官者
也又有瑞雲亭泰山紀事云當時御香亭也真宗將
封齋於會真宮之穆清殿有黃白雲烟幢蓋龍鳳狀
太平頂焚香再拜雲變五色復有雲梯橋梁紫雲
久而不散遂以各亭今改爲山川潭

遺故址唐書禮樂志高宗乾封元年封泰山爲圓壇山
南四里號封祀壇旋名封祀壇曰舞鶴臺元宗時亦爲
壇於此有張說壇頌碑佚壇北舊有白驃冢鄭棨開元
傳信記上將登封泰山益州進白驃至潔朗豐潤權奇
偉異上遂親乘之柔習安便不知登降之倦也告成禮
畢復乘而下纜下山均休息未久而有司言白驃無疾
而殪上嘆異之諡曰白驃將軍命有司具槥積疊石爲
墓在封禪壇北一里餘於今存焉岱史所載本此泰山
小史謂在嶽陽碑記冢蹟尙存泰安縣志在紅門東然
紅門東有豐碑斷踏跌下磨滅無字惟碑額稜上有垂
拱元年月廿五造二年五月十二字碑側猶存宋人題

識當日東封安在哉茫茫今古泥塵埃字句可讀翻轉
審視底面有行書字影差小隱隱莫辨按趙明誠金石
錄云唐登封紀號文高宗撰并行書飛白書額小字乾
封元年二月一勒石山上不知毀於何時一立碑山下
意或武后補刻以殘碑及開元記證之白驪冢在城東
南失其處矣南郊有

皇恩碑亭乾隆十三年士民恭建

城西門外南折爲靈芝街宋史真宗本紀大中祥符元
年十月丁未法駕入乾封縣奉高宮戊申王欽若等獻
泰山芝草三萬八千餘本此街之所以得名也迤東有

青巖書院明宋濂青巖社也康熙中趙國麟嘗講學於

漆河

此巡撫蔣陳錫檄知州石鍾增葺乾隆五年知府王三
夔以泰山書院久廢就宋氏社拓修因易名街南爲靈
派侯廟後晉天福六年建其神舊稱漆河將軍又曰通
泉侯宋真宗東封泉水方涸俄有清流涌出賜封靈派
侯有元豐王或撰重修木根記元至元王正撰重修廟
記碑具在西有金星泉水南流明人建金銀橋引城濠
水入漆河今僧道作法事有金銀橋漆河橋以誑世取
財蓋借此傳會耳河西溪爲煉魔堂一名岱嶽禪林嘉
靖間主簿州人張思齊同弟思葺以禳父疾建有
提督肥城李邦珍記南爲靈應宮元君下廟也廟剝無
攷萬歷三十九年奉勅拓建賜今額有張邦紀碑其制

社首山

前後殿廡迴廊周密中為崇臺四門上起銅樓號金闕殿字欄楯像設皆範銅鍍金為之舊在岱巔嗣後移遙黎亭復置於此其東為駐蹕亭乾隆三十五年建西為社首山高僅五丈封禪書云周成王封太山禪社首注應劭曰山名在博縣唐書禮樂志高宗為降禪壇於社首山上旋名降禪壇曰景雲臺元宗禪於社首宋史禮志真宗禪社首有王欽若壇頌碑在焉又宋史太平興國中有得唐元宗禪社首玉冊蒼璧至大中祥符元年令瘞於舊所後立相公廟神稱高里為東嶽輔相歷勸元豐胡元資記或謂趙韓王者誤西北有對岱亭李戴毛在建西南有環翠亭故址近改為閻王殿下

高里山

後晉愍帝持咒幢天福九年僧歸仁正書字多氣蝕後書題各內有岱嶽鎮使及岱嶽鎮都虞候官名則舊志所未詳西為亭禪山本名高里山崔嵬類龜漢書武帝紀太初元年十二月禪高里即此注伏儼曰山名在太山下注師古曰此高字自作高下之高而死人之里謂之高里或呼為下里者也字則為蓬蒿之蒿或者既見太山神靈之府高里山又在其旁即誤以高里為蒿里混同一事文學之士共有此謬陸士衡尚不免况其餘乎今流俗書本此高字有作蒿者妄加增耳山之陰有古仙洞訛謂鬼仙蕭協中曰洞深暗余嘗偕友探奇執燈籠火種而入曲徑寬隘者三有窟不甚深內石床一石

高里山神祠
森羅殿

磴二登床捫其頂一穴上有巨石塞之旁無所通矣山之陽有玉仙石片石瑩潔乾隆二十六年知縣程志隆廣栽松柏培護之迨三十四年工人采石自洞門上下劈去數丈而形勢遂失其舊高里社首之間為高里山神祠額曰森羅殿顧炎武曰自晉陸機泰山吟始以梁父高里竝列而後之言鬼者因之遂令古昔帝王降禪之壇一變而為閻王鬼伯之祠矣祠創建無考元至元二十一年重修徐世隆記明成化三年重修許彬記萬歷間奉勅重建見岱頂天啟銅碑

以石山

城南四十里為介石山岱史云宋真宗大中祥符元年禪於此按宋史無其事南二里許為石閭山有尋真洞

石閭山

漢武帝本紀太初三年所禪即此按史記石閭者在大山下阨南方方士多言此仙人之閭也縣志曰俗所云玉道嶺當之巖玉道嶺在其北十里石閭南三里為亭亭山史記稱黃帝禪亭亭水經注汶水又西南逕亭亭山東黃帝所禪也山有神廟水上有石門舊分水下水處也漢書地里志泰山郡鉅平注有亭亭山祠宋真宗大中祥符元年封山神為廣禪侯遣秘書丞直史館姜嶼致祭有御製碑元知州張郁知縣張佺重修南十三里為大汶口有石橋雍正間重建水經注汶水又南逕鉅平縣故城東而西南流城東有魯道詩所謂魯道有蕩齊子由歸者也按鉅平為晉羊祜原封采地武帝以

平吳功封南城侯固辭不拜仍為鉅平侯上從之有
今上御製羊祜城詩卽此又西三里許過衛駕莊為
行宮內有四賢祠乾隆三十年

車駕南巡三十六年幸曲阜 駐蹕於此有

御製四賢祠詩曰孫石氣求永聲應孔胡異轍並升堂

大汶口東南三十里為梁父山平衍突出封禪書古者

封太山禪梁父者七十二家而夷吾所記者十有二焉

其上舊有地主祠史記二曰地主祠太山梁父蓋天好

陰祠之必於廣山之下小山之上命曰時漢武帝及光

武帝皆降禪於此而壇趾無存南為梁父城漢時置縣

屬太山郡水經注引開山圖曰太山在左亢父在右亢

父知生梁甫主死王者封太山禪梁甫故縣取名焉

葛亮幼從父為梁父尉父卒後徙居南陽好為梁父吟

謂此也今其村稱為梁父云

城西南七十里有蛇邱故城今樓上村是也水經注汶

水又西泚水注焉今謂之濟河又西逕地邱縣南縣治

鑄鄉故城春秋左傳宣叔娶於鑄者也汶水又西蛇水

注之水出縣東北西南流逕汶陽之田齊所侵也自汶

之北平陽極目億公以賜季友卽此蛇水又西南逕鑄

鄉城西左傳所謂蛇淵圍也故京相璠曰今濟北有蛇

邱城城下有水魯囿也俗謂之濁須水非矣按蛇水土

納靈應諸泉又曰匯河其下游卽濁須水或謂之濁河

梁父山
地主祠

西南三里許有汶陽故城今城上村是也水經注汶水又西南逕魯國汶陽縣北王莽之汶亭也縣北有曲水池亭春秋桓公十二年經書公會杞侯莒子於曲池左傳曰平杞莒也故杜預曰魯國汶陽縣北有曲水亭按樓上匯河之間有土邱傳爲曲水亭址汶水逕汶陽城南不在其北也城上村南七里爲闕陵故城水經注漢章帝元和三年東巡太山立行宮於汶陽執金吾耿恭屯城門於汶上基壘存焉世謂之闕陵城也迤西立元君廟圯而通志以汶陽闕陵爲一城於曲池載入寧陽縣境又西約二十五里爲顏子坡岱史云州治西南境有高坡孔子引顏淵望吳門繫馬因與俱下於此

城東南二十二里有橫埠狀類龜埠北之田曰龜陰按水經注博縣北有龜山山北卽龜陰之田春秋定公十年齊人來歸龜陰之田是也西南有石塔五級曰聖塔蓋遇旱乾水溢禱輒應金明昌三年李德元等建壁勒安升卿記南三里卽博縣故城漢之博也城東爲天封寺舊號郭頭寺宋祥符有事泰山更以天封爲額金大定二十四年僧道先法越重修有党懷英碑記泰山東南三十里爲徂來山山於泰山猶旁几然水經注山多松柏詩所謂徂來之松也鄒山記曰徂來山在梁甫奉高博三縣界猶有美松亦曰尤崂之山也赤眉渠帥樊崇所堡也故崇自號尤崂三老矣後魏地形志

太山郡梁父縣有徂來山在北輿地廣記唐省梁父入博城歐陽修曰徂來魯東山孔貞瑄曰龍脈自泰山傲來經金牛龍山蜿蜒東赴至水音堂踰汶盤結於此大小汶絡其面背山周百六十里自郡城至山北蹊徑逼窄遊岱宗而探徂來之勝者則繞山之東西兩路自前而入約百餘里自山南而突起者爲三嶺崗一名三台山北巖曰獨秀峯傳云李白題勒上爲九龍宮中爲玉皇廟明崇正間重修其下爲感應侯祠祀徂來山神山東通志金明昌元年封爲護國感應侯今祠地松柏猶存西北里許崖壑瀉水羊公河出焉透折西南流逕羊祜廳北又西南注小汶西北五里爲二聖宮古稱二聖

聖元鹿森隱居處東南峭石壁立篆書貧樂巖演易齋諸蹟杜仁傑爲謨銘殘缺不可讀許衡嘗讀書於此扁其室曰魯齋後卽以爲號堂扃於元初開國侯徂陽時珍建有益津高詡碑記增祀玉皇閣王母殿三清殿稍北石洞方廣趙國麟名曰簞瓢又北乳山秀峙舊多竹木谿水繞前而西注古刻竹谿佳境於巖按孔氏紀勝唐天寶間李白孔巢父韓準裴政陶沔張叔明隱此號竹谿六逸堂然二聖堂卽六逸舊基而俗誤以党竹谿當之也乳山之北響水河出焉上納諸谷水匯此西導曰日新池達於毛老谷過茅茨村南又西入大汶東北四里爲萬松嶺下有石屋甘泉清冽北十里雙峯頡頏

爲徂來絕巔亦曰太平頂古有感應侯祠今於其基亡
矣頂西有紫霞洞下爲李源砦自來泉飛流自乳山西
二里舊有毛姑菴元初州人毛仙姑居之修持三十餘
載臨化留頌秦定軍節度時宥爲紀石於墓遂稱其地
爲毛老谷西十里爲懸珠山康熙間高沙臥雲者居此
因立臥雲菴祀呂仙圮移像於南樓有九龍嶺八道溝
石溜峪東崖懸石如珠此山之所由名也匯水爲漿池
南流會響水河西三里爲藥山有聚泉菴俗稱大菴西
五里爲北頂有佛寺明宏治間僧文原重建州人徐鑑
記西爲廣長嶺西五里爲團山有古四禪寺北齊河清
二年創建金大定二年奉勅重建賜額法雲禪寺有勅
牒碑僧法潤福燈相繼住持元至元間高峯禪師重修
乾隆三十四年七月四日大雨東山裂泉橫流而寺基
無存上峪之水西流曰滄浪溝中屹立一石泰安縣志
謂之曬纓臺又西南八大汶西南里許爲望山有老君
洞南五里爲他山白蓮泉發源處水西南流逕積穀山
南八大汶泉北有法雲禪寺僧福燈建有大定二年勅
牒碑碑上下兩層上刻勅牒下鐫張莘夫記自三嶺崗
東六里爲女智崗西北四里爲天平前砦赤眉所堡卽
此地極平曠絜石爲臺基址猶存又東三里過清風頂
南又北二里跨澗爲橋名曰隔塵西爲升仙臺北爲隱
仙觀祀呂純陽內有玉帝閣三清殿明萬曆中有于仙

號蛻虛者闕此修養有年蟬蛻完真觀門外古木夾徑
多桃竹曲水匯池南流有康熙間趙國麟撰贍田碑及
題刻徂來第一桃源深處諸蹟又西南二里爲桃花峪
自觀東石屋東闕有天然丹竈傳爲于仙煉丹處國麟
書煉丹爐三字稍東爲礫石峪石陂廣數畝飛瀑雪浪
勢若建瓴至觀南與西澗合流繞天平砦又西南注羊
公河觀北踰小普陀巖二里孤峯插天世謂之貴人峯
西有于仙葬衣冠冢貴人峯東四里爲風門口爲西別
谷水東南流里許有釣魚臺東南三里過噍山南朱櫻
夾岸曰櫻桃園東二里爲演馬嶺爲東別谷水西南流
五里與西別谷合流南注小汶嶺上爲趙州菴圯僅存

呂仙閣中爲北斗殿俗呼團瓢下爲三皇廟舊稱寺基
南五里爲砦山又東五里爲薤山藍谿出焉水東南流
過鎮里村西又南入小汶其上有光化禪寺寺創於後
魏宋祥符間賜號曰崇慶元初時珍重修高詡記內有
濟池注茶舍東南里許一巨石南面刻北齊時隸書大
般若經字徑五寸多剝蝕惟曰空有無十餘字隱隱可
辨後書冠軍將軍梁父縣令王子椿餘猶有道字僧真
造數字其東面大書四佛名末有中正胡賓武平元年
縣志以中正誤爲正月薤山東北爲圓瓦崖爲大悲菴
東南三里爲映佛巖上刻隸書般若波羅蜜經冠軍將
軍梁父縣令王子椿十七字其文云文殊師利曰佛言

世尊何故名般若波羅蜜佛言般若波羅蜜無口無口無名無相非口口無歸依無洲口無口無福無口無口如凡界無古今口亦無闕三十二字普禧武平元年僧齋大衆造後有四字類押狀不可識字徑一尺及七寸不等蓋因石爲之又東一里爲黑山東五里爲松山有松巖洞東南一里爲靄蒙山其山兩穴可通曰靄蒙洞又南里許爲兩埠山兩山對峙如岸已上皆屬徂來之陽自絕巔北二里爲芍藥峪峪東北三里爲紫灩池產九節菖蒲及玲瓏草水東北流經天平後砦東至沙溝河北折過西莊又西北入大汶峪西北二里爲花坡北二里爲中軍嶂地處徂來適中也康熙間建三清殿前有地洞深暗西爲招軍石周多石春秀有鳴駐泉下爲大峪水西流入鴈愁澗北五里爲玲瓏山秀拔玲瓏有楚人洞相傳唐王希夷嘗隱此自中軍嶂東二里爲金魚石巨石中有魚形若隱若現相傳一夕風雨石劈化龍去半踏於地兩石魚痕宛在有明知州許應元題識東五里爲長春嶺黃壤秀異周袤約十里宋石介卜築其下多從遊者世謂之徂來書院今遺趾猶稱爲講書堂所著有徂來文集二十卷明人采怪說二篇入諸子彙函俗稱石介因竹谿六逸堂築室著書非是秀有姜潛別墅號曰讀易堂石介在蜀寄題詩曰連雲棧外四千里讀易堂中一帙書北爲天平後砦按此砦去中

軍幃不遠皆樊崇聚兵處有演武場柱窩遺蹟又東爲龍谿水東北流過燕子石屋側危崖瀑流而下曰濯龍灣以崖上凸起三畫宛若游龍故云北導西折曰四里河繞徂來北麓又西南入於大汶天平砦東北爲西仙霞鳴又東爲鳳鳴山若鳳舉其首下爲黃峪又東爲東仙霞鳴又東爲虎穴山爲牛山山南有朗僧洞神化庵山北有大藏峪自中軍幃西四里兩峯並峙俗稱角山三石懸立曰鞦韆峯又西登土嶺爲大砦口迤東陡岸幽谷則所謂鷹愁澗也水北流經石匣溝匯爲白鶴灣又東北會四里河大砦口西北三里爲攢石崗北崖篆刻竹谿二字水西北流逕竹谿菴南又西北繞轉山下匯曲水河入大汶案竹谿菴金党懷英所居著竹谿集三十卷元大德間教授時震撰竹谿菴碑字多漫漶康熙間於其地立玉帝閣轉山西爲嶺岫山爲吳山溝水西南流入大汶又北三里爲石氏塋域介自爲墓表西一里有宋燾書神道碑已上皆屬徂來之陰

徂來山南二十里許爲古南城晉太傅羊祜封邑金于城內建大覺禪院有大定二年勅牒碑僧福善講法於此元初僧道慶重建城西有村曰羊舍俗以爲羊氏鷺鴨廠也東北有大冢泰山紀事稱羊續墓按續墓在新泰境此不可攷城東北十里爲岱山城寰宇記北齊置在乾封縣東南六十里依徂來山今鎮里村尙有城堞

遺址又南六里爲宮里鎮有漢武帝廟爲漢武東巡駐蹕處因而立廟金燬於火元時重建又西南有柳里村卽古柳下地和聖湯沐鄉巴里北有和聖墓碑久廢宮里南三十里爲云云山培塿圓伏史記自無懷氏至周成王禪云云者凡九山上舊有云云亭西下一石刻賈氏書院四字傳爲元賈進士讀書地失其名其北有坡曰羽林村曰甘露又西爲古柴城水經注淄水又西南逕柴縣故城北地里志曰太山之屬縣也世謂之柴汶矣上接新泰縣龍堂山之水至鎮里村南總名小汶東納濁河泉合流因名淄水齊乘云太山南亦有淄水卽此又西過羊祜廳南又西過龍鄉故城南而注云云山東南八十里爲放城鎮林放故里也有唐太和殘碑故相國趙國麟嘗遊徂來山著記遊以貧樂巖磔石峪爲最其形容入妙固足以輝映前後然前賢題咏半沒於瓦礫榛莽間而名稱多從土人則攷訂爲難也甲申暮春之初余偕友稽訪杖履殆遍所經邱壑祠宇隨筆誌之未免引證瑣屑但久幽之蹟得附泰山而一彰亦可以遙質相國也敘識

靈巖山
泰山西北四十餘里爲靈巖古稱方山或曰玉符山多松柏齊乘謂之十里松元八達氏題識曰巖前松檜時時綠東晉京兆竺僧朗事佛圖澄碩學淵通初止於琨瑞山降錫焉嘗往來於此說法猛獸歸伏亂石點頭靈

巖所由名也屬泰山郡唐隸齊州山在縣尋改爲長清縣元屬泰安州後併濟南府山自泰山踰長城嶺西北經西棋子嶺蜿蜒挺特層崖削壁面南向周迴六十里自泰山後鳥道礫礪難行登泰山繼遊靈巖者由泰安府城西北遶山西麓而入九十里經長清境之灣德村東北逕雞鳴山下有臺有洞夜半嘗聞雞鳴山西巖曰麻衣洞元李堅棲隱處東北過大谿抵雙槐樹爲入靈巖者各路之會由濟南府境東南而入經靳莊爲宋靳八公故里有大書號咄歸別處結綵便飛雲十字後書熙慶留題疑爲呂仙蹟勒遲賢亭壁內設呂仙像南爲靳八公墓東南逕塔寶峪西立石如塔而中空瑩然又

東跨道爲坊額曰靈巖勝境乾隆二十六年建東南爲黃峴山有老虎窩東爲明孔山其山一孔南北相通盤旋北入內有石佛像再入一窟甚深山巔有靈光亭圮東爲滌思峪又東爲大橫溝崇興橋俗呼大石橋有宋釋仁欽修橋碑大觀二年郭思撰王高象郭升卿正書南向其北面先勒元豐王臨飛白書靈巖道場四大字於佳明嘉靖林瓊撰重修橋碑又名通靈橋又東爲小橫溝明空橋俗呼小石橋明時重建橋東有龜背石西南爲滴水崖乾隆二十二年車駕幸靈巖賜名雨花巖三大字及詩一首又二十七三十三十六年詩三首於勒一碑建亭其地出上水

石激泥如石雖小亦自具邱壑東南爲凌霄峯又東爲黃茅岡爲南谿東導埜溝諸水經此南會憩象泉而西注龜背石東爲北谿卽飲馬溝李興祖靈巖志稱宋真宗幸靈巖曾此飲馬得名有新石橋明天啓中釋圓桂建東納彩泉諸水經三空橋下則淤阻伏流至此復見屈曲西南黃龍泉水自南來入之又西過雨花巖大小橫溝之水雙抵谷間流各從北來入之其下曰滌思峪又西與南谿交流匯爲大谿又西石鳴泉水自南來入之又西北注於沙河卽水經所謂中川也又西北過長清城東北歸大清河新石橋東爲伽藍殿有明宏治間僧慧海重修碑西壁勒宋李堯文題名西南爲地藏菴

東南爲藥師佛殿思議佛殿於地又西北爲方山神祠壁勒前賢題咏補書蘇轍詩跋東旁有豐碑元文書訥大書大靈巖寺四字北向南面鐫僧家奴跋北卽靈巖寺殿閣層暉案北魏孝文帝本紀太和三年起靈泉殿思遠佛寺於方山遂屢幸焉迨正光初僧法定復興拓建曰靈巖寺見宋郭思石橋記碑隋文帝本紀開皇十五年旅玉符疑卽此寺舊址在甘露泉西唐貞觀時徙於西南麓宋熙寧間移建於此後靈巖有勅牒碑歷代修葺制加詳焉大門內三楹中曰聚善東曰虎谿西曰接引明時重建凡寺內諸水皆匯橋下西注飲馬溝今廢二門內碑石林立其在東者金明昌周馳

泰山道里記
三
撰田園記碑一明聖旨碑二修廟碑三泰山進香紀碑
一其在西者宋嘉祐王遠撰千佛殿碑一金明昌党懷
英撰靈巖寺碑一元聖旨碑三明聖旨碑三成化艾俊
撰感應記碑一東西爲鐘鼓樓北爲大雄殿殿七間祀
觀音文殊普賢案此殿卽宋之獻堂及山門本無像設
皆明正德間魯藩所增置也乾隆二十二年

今上賜額曰卓錫名藍又二十七三十三十六年

御製靈巖寺禮佛詩三首勒大門外東崖兩翼齋廡東
爲韋馱殿西爲觀音堂由甘露泉遷北大殿北爲五花
閣上祀三大士下祀圓通菩薩閣四面各五間門四迴
廊壯麗宋嘉祐間僧重淨建明正德中至珙重修乾隆

十一年性端重建西有古檜一株志稱唐貞觀中僧陳

元英降錫靈巖將往西域求經時有小檜嘗摩其頂今

幹枯枝茂石欄護之有

今上御書摩頂松三大字碑陰勒詩一首又

御製圖詩碑陽勒詩一首然建亭其西爲彌勒殿又西
地洞深邃或曰魯班洞亦曰巨和洞也上爲十王殿大
門外有宣和宋齊古施五百羅漢碑五花閣東北爲
駐蹕亭乾隆二十一年建卽彌勒殿舊基內有古柏一
株明王之士碣曰漢柏周垣勒前人題咏又東北蒼崖
之陽卓錫泉出焉世傳爲佛圖澄錫杖卓出者又名錫
杖泉水西流匯爲鏡池澄泓充溢俗呼功德池有

自韋馱殿東爲轉輪藏德藩嘗修之嘉靖二十四年重修任士憑記萬歷四十四年重修周萬鎰記雍正八年僧性端重建內爲孔雀佛殿址近改爲公館東爲達摩殿由甘露泉移此自伽藍殿東過仙人巖爲白衣殿星月樓及維摩菴皆圯菴爲明劉亮采讀書地號其室曰面壁齋有題勒面壁偈圖印泉遺蹟稍東爲鐵袈裟亭昔法定時有鐵物自地涌出高六尺許如袈裟披摺之狀篆書鐵袈裟三字舊在甘露泉之達摩殿後置於此旁有印池水出函雲洞繞亭而西注又北伏行會彩泉上有接引佛殿圯東卽彩泉北谿源也水西流迳三空橋而注函雲洞北爲

行宮乾隆二十一年建中有愛山樓
御書巡方攬秀額北崖如屏幃有仁欽所建抱靈亭又曰絕景池西別構觀花亭對峙崖之東卽甘露泉出焉水西流繞甘露亭北又西過玉河橋下復北折入御花園匯魚池伏行而南靈巖第一名泉也
今上御書甘露泉三大字勒崖復摹刻立碑建亭又詩四首於勒碑陰碑側及額兩面大門內池西舊有石龜泉涸其地傳爲金陳壽愷元杜仁傑舊隱處卽志所載觀音朝元達摩各殿故址古木參差多老檀礪柯臃腫狀若虬龍志稱千歲檀也東北爲小石厂峭壁平臺曰可公牀明釋眞可憩此朗公傳勒厓側

今上御製登玉符山詩二首磨勒於上東爲大石厂一名半室厓由小石厂而上北爲白雲洞有

今上御書白雲洞額及題詩四首於勒洞壁其旁有

駐蹕亭西過轉山亦有 駐蹕亭東上有宋政和張勣

題靈巖觀音道場六大字勒北崖最高處爲懸星巖俗

呼功德頂石龕宏敞有釋迦佛像皆因石爲之北魏孝

文帝本紀太和三年於方山起文石室五年建永固石

室於山上立碑於石室之庭八年幸方山石窟寺蓋謂

此也龕座刻宋元題名頂池西爲拂日巖頂西北有飲

虎池西北流中匯方泉東崖有老佛窩池水又西逕積

翠巖南又西南流小橫溝源也拂日巖南爲巢鶴巖昔

有雙鶴止此直接石坪幽曠坦豁俗謂之晒經臺有

今上御書巢鶴巖三大字及詩四首於勒一碑建亭前

爲蹲獅巖或曰盤石也東谷口有雲窩又南懸崖有觀

音洞三門相通內有石佛像東南多宋人題名勒崖有

坦地約三畝不生草木曰無生地佛家以無生爲上乘

故云西爲香霏巖俗呼繡毬山自慧崇塔西北里許北

峪之水南流經朝元洞圓光洞東而注大橫溝源也自

白雲洞南三里爲石尾峯南爲靈關峯峽通一線卽小

天門東二里有華巖泉水北流入黃家峪西折注於中

則北爲華巖寺北北五里爲野老村東晉中山張忠舊

隱處靈關峯南爲朗公山西巖有朗公石狀如老僧徧

立迤南為九曲峪明公砦明公泉水北流東折南下三里注靈帶河明公石西南為如來頂快活巖臥象嶺又南為珠山有堃溝會納支水南谿源也又東雙峯皆圓特俗稱東西磨山中夾蘆溝水東流南折會棋于嶺西曲溝水曰三叉口又西至武家村南北接靈帶河水南接紅蒿峪水匯為合一河又西過長城舖北注於中川北峪之北有石厂中一窟如井西北三里有神寶泉下為瀆米峪水北流西折入於中川上為神寶寺北魏正光初僧法定初建今廢有斷碑篆額曰大唐齊州神寶寺之碑開元廿四年十月日季襄纂兼八分書碑側鐫行書心經最古殘缺書人姓名稍東有元大德十年聖

首碑北為寶山上立玉皇廟有明嘉靖高奎撰重修碑東曰神谷北二里為黃尖山兩崖對峙俗呼梯子崖崖上南北二山相連曰雙峯其陽石竅蓄水甘美充溢謂之醴泌泉過其西折而東北為石塢峪幽仄尤奇如巢嶼或稱栖佛洞殆盡矣

泰山東北四十餘里為琨瑞山一名金輿山輿或作榆又名崑崙山崑訛作崙又名金廬山攷西陽雜俎當名金驢山東有金驢洞志稱黑風洞齊乘稱西龍洞山酈道元云苻秦時竺僧朗居之因號朗公谷舊名琨瑞谿山勢秀拔雙流如帶面西南向周六十里自泰安府城東北踰長城嶺經玉皇嶺至百餘里自歷城縣東南經

柳埠村至八十五里山西北爲神通寺道元云竺僧朗
大起殿舍舊稱朗公寺隋開皇三年文帝以通徵屢感
故曰神通也其制門閣兩重北爲大雄殿東曰伽藍殿
西曰達摩殿有元至治邢天佑興公道德碑明宏治張
天瑞重修寺碑北爲千佛殿北有元大德智京雲公碑
明成化僧太初寺外護碑嘉靖重修千佛殿碑北爲方
丈東爲禪堂又北爲法堂兩翼齋廊齊乘云神通寺有
汝泉案歷城縣志寺內本無泉惟方丈西有白龍池或
卽汝泉與然又塞於僧舍下東廊下有朗公時所浚神
異井湖寺西地敞豁舊有藏經堂轉輪藏鐘鼓樓北又
有一臺有四門塔極崇麗皆石爲之塔前古柏一株九

頂蒼秀傳云漢植其東有宋三壇寺翠塔波因石鑿成
紹聖間潘卞爲撰銘又東有染池龍洞泉洞門半掩翠
龍半露水自中出經青龍岡通聖橋西注玉水有嘉靖
金城擬重修橋碑寺西北隅地勢幽曠中曰朗公塔制
最古餘多元時篆書塔銘又西爲千佛巖峭崖絕壁有
大小石佛千龕多魏齊及唐人所鐫猶有造像記二十
餘可識又西北爲黑風砦地危嶮昔人嘗避亂於此爲
紅鶴崖石壁凌雲洞心駭目大觀也又西北爲季兒砦
泉子峪爲青牛砦通天峪巨石懸臥如梁曰仙人橋青
龍岡東三里有海螺峪匯錫杖泉西南注於玉水泉側
有須彌塔宋宣和間建劉宗等題名東南三十里爲長

城嶺嶺南北水皆分流西陽雜俎謂之分流山也北爲
梯子山谷水更多東有仙人洞雲梯澗西爲仙龍潭玉
水源也玉水以玉符山得名見水經及注歷城志稱錦
陽川納諸水逶迤西北流左會礦洞溝水又西北經桃
科嶺東左會枯泉之水又西北逕平頭山東平頭池東
爲龍集山上有玉泉寺下爲風門嶺爲劈山又西北左
會龍門峪水又西北逕齊王砦南又西逕琨瑞山南曰
琨瑞谿梯子山西爲天麻峯獨孤泉北流又西爲松峯
下有龍池亦玉水發源處水西北流經窩舖峪有永興
觀又北過雙鎖山紅山口西右會三岔水又西過金驢
山南又北與琨瑞谿合流總名玉水也左會涌泉之水

有涌泉橋明萬歷間建郭邦雲記西偏爲涌泉菴隋開
皇時重修明嘉靖間重修段雄記玉水又西經屏風山
南有黃巢洞爲盤盪所掩上立天齊廟有明宏治韓相
撰重修碑又西逕柳埠村南中有紫微觀圯松峯西北
爲交戰峯山勢突兀頂有數穴深不測曰雲洞東爲陡
峪多丹楓樹西爲雲谷下有響泉又西北爲旣洪峪中
有苦芭泉爲苦洪峪琴泉齊乘謂泉甲天下韻琴筑而
味肪醴是也又西北逕靈鷲山西有九塔寺塔九頂唐
天寶大歷間重修內有觀音殿明正德間重修馬雄記
嘉靖間重修許邦才記碑具在門外有聖水泉又北逕
回龍山西長城嶺北爲鞞臺山高陰寒多積冰曰冰

臺經夏始解又名冰泉北經龍峽入印度泉鞞臺臺四
爲玉皇嶺下有蔚溝臺池北爲瓦子嶺遍山皆瓦礫志
稱爲秦皇行在也又北爲齊城峪茶臼河出焉中有試
茶泉懸流飛瀉經康泉右會勺泉峪水又北過白石崖
西左會避暑泉水又東北逕虎頭崖西右會段華泉水
入於玉水瓦子嶺西爲梨峪有湖音洞上接印度泉水
經閻家河北流右會石灰溝水又東北右會礫池水又
北經三角洞東又北右會石厂谷水又北經青岡嶺東
入於玉水玉水又西經柏崖北有透明洞下爲柏水灣
又西左會石欄峪水又西經扶山北有子房洞深里許
地河伏流洞旁爲五帝閣東五里有子房菴金天眷時

碑熨斗泉東北流北六里有都泉爲岱北諸泉之總舊
立皇姑菴於上石塔有開元字水西注會水簾泉又西
一里逕三尖峯南峯之西曰木梨砦曰龍洞峪玉水又
西北經總度口南接錦雲川合流一名南川發源於玉
皇嶺之蔚溝西南爲拔山爲五女石山溝水西北流經
東南棋子二嶺中峽會西棋子嶺水曰出山溝又名出
泉溝達於黑山砦北有下安寺故址屈從東北流左會
百花泉水又北左會雙泉水又西北經楊廣砦東又北
爲魏花砦宋指揮魏花故居也楊廣砦西爲火焰山爲
天麻砦中夾道溝峪北爲圓通山有普門寺元時建成
化崇正間重修門外有聖水池旁爲雲水菴圯又北爲

方山砦有白雲寺又北爲九女砦三石削立宛如三婦
在雲中又名三媳婦砦北爲澇泉嶺爲澇泉峪嶺西
爲隱士峪有葫蘆崖中爲法雲寺唐永徽初建久廢玉
水又西逕康王山南爲黑水灣山之西巨石偃立曰老
人峯有醴泉寺一名四合元至正間重修玉水又西逕
中宮鎮南齊乘稱中宮東有懸泉柳泉車泉皆入玉水
北接錦繡川合流一名北川發源於梯子山雲梯澗西
北流左會紅泉峪水又北右會石鴨峪水又東北左會
燕脂泉水又東北右會藕池水又北經黃樞泉會寇峪
會雲河水又北經皇砦南右會天井峪水又西爲大澗
嶺有龍灣水西南流又西經桃花嶺南有桃源洞右會

大黑谷水又北經青石崖東又北左會白雲泉水又西
經林泉觀南又西經現瑞山北左會茨子峪水有朱老
菴又西左會馬蹄峪水有華巖寺元時建又西北經香
孤山南又西經大佛寺會寶姑泉水又西南左會稻池
水玉水又西北經月牙嶺北又西北逕罈口嶺北又西
北逕臥虎山南又西北逕黃山北山周如城疑卽水經
注之玉符山也以錦陽川所經故又曰玉水齊乘云靈
巖與方山相連疑卽玉符山案靈巖前後之水源流與
朗公谷水無與則非玉符可知矣今皆以靈巖爲玉符
山蓋因齊乘而誤又西北至渴馬崖南則泊然而止
流而東發趵突泉又北曰灤水又東曰小清然西北

者至長清縣之楸山北復見又西北逕獵山北又西
經齊河縣界入大清河水經謂之濟水會歸矣

泰山介齊魯間昉於管子孔子登泰山小天下盡於孟
子後世著述不一是編恐未悉合偶讀靈巖志歎其雄
勝奇巧然皆泰山也故王元美曰靈巖是泰山背最幽
絕處遊泰山不遊靈巖不成遊也案靈巖在泰山西北
至水經注琨瑞山之朗公谷在泰山東北猶兩背然或
謂朗公谷屬靈巖者誤而岱史諸書姑置弗載致泰山
全體不備非例也歲乙酉夏余迺遊靈巖探琨瑞蒐訪
名蹟據三川辨玉水履勘源流附錄之以補言泰山者
之闕略云余又謂山水從金石中見金石自山水中來

今是編既出猶有泰山金石攷六卷凡歷代遺蹟碑刻
方向及間有斷缺者須分別存佚各爲跋語剖晰以注
之恭紀

國朝東巡金石錄爲卷首竊附泰山道里記於卷末是
山水與金石所宜竝著者也歎流光之迅速嗟老眼之
昏筭未可矯強姑存虛志癸巳春有上元嚴侍讀先生
雅好登臨廣蒐金石因纂泰山志過訪泰山道里記及
泰山金石攷諸書披閱攜歸迺別爲金石類籤一書而
泰山金石并隨意采入豈非時數使然哉噫金石也山
水也同余夙癖爲不徒矣欽又識

錢塘周曰庠督刊

邇相接竊謂歷城以南諸山皆泰山也後人多爲之名耳今閱是書每與余意合而辨正尤起人意聶君欲余序以重其書余淺學又偶過臆度徒幸有合於好古力索久往來是山中者聶君足重余耳余安足重聶君哉乾隆四十年正月桐城姚鼐序

自甲申夏承乏岱下躋其巔凡十餘次歸輒稽攷載籍證以目驗伏讀

四庫全書總目中凡泰山志乘無著於錄者今所傳則查志隆岱史吳百朋泰山志劉其旋泰山志畧宋燾泰山紀諸書吾師唐陶山先生著岱覽三十二卷尤得體要其次則聶劍光之道里記以山之脈絡爲文之脈絡皆佳志也昔酈中尉甄叙諸山類喜刻畫巒情標領雋致而獨畧於岱不過述馬第伯郭緣生之說而已今得吾師及聶君之書足以窺見泰山真面矣岱覽卷帙較繁非登臨時所能卒業道里記纔七十餘葉坐籃輿者手此一編可以按圖經而攬勝焉原刻漫漶不可識因

